

輿地志十九

古蹟五 陵墓寺觀附

江陵縣

湖北通志卷十九



江陵故城今荆州府治本春秋楚渚宮地

嘉慶志 案志云漢置江陵縣是江陵即在渚

宮以水經注攷之江水逕江陵縣故城下又云今城楚船官地春秋之渚宮是道元已析今城漢縣為二今城在渚宮則必非漢縣之舊特相去不遠故注連綴敘之耳晉桓温所築舊唐地理志縣有東西二城蕭管稱藩

於魏魏以管為梁王居西城置總管以輔之居東城是也名勝志又

有三城陳光大二年吳明徹攻江陵梁主歸出頓紀南周將高琳

與梁僕射王操守江陵三城擊敗陳軍是也方輿紀要江陵子城明初

湘獻王居之號湘城天啟丁卯惠藩至國又號惠城崇禎十四年

燬縣舊志 案志餘云子城高氏內城倪可福築考通鑑唐禧宗乾符五年王仙芝至荆遂陷羅城將佐共治子城守之是羅城者大城而子城在內非自高氏始有內城也

志十九

輿地十九 古蹟

紀南城在縣北清一統志楚國今南郡江陵縣北紀南城也左傳楚文

王自丹陽徙此班固言楚之郢都也水經注案吳志朱績傳注

引括地志紀南故城在縣北五十里續漢書郡國志注引盛弘之荆州記江陵縣北十餘里有紀南城楚王所都竊謂弘之說近是晉義熙元年魯宗之擊破温楷於柞溪進屯紀南通鑑紀南以在紀

山之南而名名勝志案府志原案曹學佺名勝志云紀南城以

紀南入赤湖進灌郢城此志云赤湖城在縣西北十里是則紀南與故郢城尚隔有赤湖城杜預注左傳以為郢即紀南似譌子革曰遂遷紀郢當時亦指為二城矣今考左桓二年蔡侯鄭伯

會鄧傳注云楚國今南郡江陵北紀南城也杜實未嘗謂郢即紀南蓋紀南是楚初由丹陽徙此國始強大故杜援以為證史記楚世家武王初由丹陽徙此國始強大故杜援以為證史記楚

之闕其地難言而詳其所可知此注家之例也後襄十四年城郢傳注楚徙都郢言而詳其所可知此注家之例也後襄十四年城郢

故郢城當是武文之後平昭之前又自紀南稍遷於此杜第依傳為文曰郢不再言紀南其意可見曹氏奈何而証之耶蓋郢者楚

徙壽春亦曰郢紀南與郢城都城之南為南郢昭徙都為北郢考烈地豈有混而為一之理或曰由紀南遷郢城相距無幾當時遷徙



不過一轉移閒事耳非若後此昭王遷郢於都大去其都而必紀  
之也傳既無文杜自不得而詳也至紀南在江陵城北郢城中間  
東北荆州記當可信赤湖城未知築於何代但紀南與郢城中間  
既隔有赤湖則當時有城無城自可不論又子革遂遷紀郢語見  
水經注江水篇左氏內傳俱無之未詳道元所本第如嘉惠未  
亦楚先遷紀南再遷郢城之一證也梁江淹詩恭承前嘉惠未  
官至南荆斂衽承光彩端笏奉仁明再逢綠草合重見翠雲生江  
甸知禮富漢渚聞教清君王澹以思樹羽望楚城年積衣劍滅地  
遠宮館平錦帳終寂寞綵瑟秘奇英丹砂信難學黃金不可成遷  
化每如茲安可貴空名唐孟浩然詩從禽非吾樂不好雲夢田  
歲暮登城望偏令鄉思懸公卿有幾幾車騎何翩翩世祿金張貴  
官曹幕府賢順時行殺氣飛刀爭割鮮十里屈賓館徵聲市妓筵  
高標迴落日平楚散芳煙何意狂歌客從公亦在旃劉禹  
錫詩風煙紀南城塵土荆門路天寒獵獸者走上樊姬墓

郢城在縣東北三里方輿紀要襄十四年楚子囊還自伐吳卒將死遺

言謂子庚必城郢注楚徙都郢未有城郭公子燮公子儀因築城

為亂事未得訖子囊欲訖而未暇故遺言見意昭二十三年楚囊

瓦為令尹城郢注楚用子囊遺言已築郢城矣今畏吳復增修以

自固左傳杜注楚平王更城郢今江陵東北六里故郢城是括地志楚郢

志十九

輿地十九 古蹟

都南面舊有二門一日修門一日龍門東面亦有二門屈原哀郢

曰顧龍門而不見孰兩東門之可蕪招魂篇曰歸來兮入修門是

也地理通釋案此郢城與下郢城諸書稱引多混今分別著之

墟瞰平陸林澤宵芊綿山川鬱重複王公資設險名都拒江澳九

鼎輕伊穀大蒐雲夢掩壯觀章華築人世更盛衰吉凶良倚伏遽

見鄰交斷仍覩賢臣逐南風忽不競西師日侵蹙運圯屬馳驅時

屯恣敲扑莫救夷陵火無復秦庭哭鄢郢遂邱墟風塵俄慘贖狐

免時遊踐霜露日霑沐釣渚故池平神臺層宇覆陣雲埋夏首窮

陰慘荒谷悵矣舟壑遷悲哉年祀倏雖異三春望終傷千里目

郢縣故城在縣東南漢置嘉慶志子囊遺言所築城也地理志曰楚

別邑故郢矣王莽以為郢亭水經注案此非子囊所築郢城也

地名紀南城東有小城名郢或是之錢站新制注漢志段玉裁說

地則非邑可知且錢站亦知郊郢之在鍾祥縣地矣鍾祥

安興故城在縣東三十里清一統志東晉僑立新豐縣宋書州郡志梁改曰



安興方輿紀要

紫陵廢縣在縣東清一統志西魏置華陵縣後周改紫陵縣志詳沿革互

長寧廢縣在縣西清一統志唐上元元年析江陵置唐書地理志詳沿革嘉慶志

有中興廢縣在縣南沙市元至元中置明初省案元改府為中興路未嘗置縣且元志明志均不言置省其誤可知今削

治父城在縣東南清一統志荒谷北有小城名曰治父左傳曰羣帥囚

於治父續漢書郡國志注引荆州記水經注三湖東通荒谷東岸有治父城

馬牧城在縣南清一統志水經注江陵城南有馬牧城西側馬逕江陵志餘旁即馬牧口

蚌城在縣江內鸞尾洲相傳年饑人民結侶拾蚌憩此城即關羽

所築以防吳魏太平寰宇記又云城隨洲勢上大下尖其形似蚌故有

蚌號荆州記

金城在縣城內荆州府志荆州記江陵城中有金城故牙城也晉宋時

凡城內牙城皆謂之金城義熙八年劉裕遣王鎮惡襲劉毅入江

志十九

輿地十九 古蹟

三

陵攻其金城是也方輿紀要

江津城在縣南亦稱奉城一統志江津長居之領百家主度江南諸

州貢奉謂之奉城寰宇記引郭仲產荆州記南對馬頭岸昔陸抗屯此亦曰江

津戍水經注南臨江通鑑注案一統志云寰宇記有蚌城即奉

既各有所由受疑古實有此二城也

赤湖城在縣東北一統志荆州記云昭王十年吳伐楚通漳水灌紀

南城入赤湖又十道四蕃志云楚為吳殺傷多湖水盡赤故云輿地

紀勝

方城在縣東一統志楊水北逕方城西方城即南蠻府也盛弘之曰

南蠻府東有三湖水經注與治父城相近府志在縣西北六十里或曰

孫吳所築取古方城名也宋趙葵守方城避父諱改曰万因譌為

萬今萬城隄亦因以名方輿紀要



息壤在縣城南一統志 鯨竊帝之息壤以湮洪水山海經 江陵南門有

息壤唐元和中裴宙牧荊州掘之得石狀與江陵城同徑六尺八

寸棄之陰雨不止以道士歐陽獻言瘞以石室而霽洪錄 大諫臧

孟壽嘗以大旱發之數尺巨石如屋四面為柱為牖其南隱出門

闔宋王旭 狀若屋宇陷入地中而猶見其脊旁有記云不可犯畚

鍤所及輒復如故又頗以致雷雨歲大旱屢發有應蘇軾息壤詩序 明萬

曆壬午立廟瘞所江陵志餘 清康熙元年荆南大旱土人請掘息壤於

南門外隄上掘不數尺見屋中有物上銳下廣迫視非金非石非

木非土有紋如篆急掩之其夜暴雨不止四十餘日遂決萬城隄

郡城幾陷可為前志之證觚賸 宋蘇軾詩帝息此壤以藩幽臺

開惟帝不言以雷以雨惟民知之幸帝之怒帝茫不知誰敢以告

帝怒不常下土是震使民前知是役於民無是墳者誰取誰予惟

志十九

輿地十九 古蹟

四

萬勝門在城北志府 北城即漢臨江王折車軸處其門曰萬勝門名勝

志 案梁元帝都江陵外城門依建康城門名之有津陽門南面

東來第二門有瓦官門亦外城門有枇杷門內城東門皆見於史

又柳門亦即今大北門見蘇詩 青楊巷在縣南沙市清一統志 蘭陵蕭脊有雋才任青楊巷何妥住白

楊巷時人為之語曰世有兩雋白楊何妥青楊蕭脊北史何妥傳

垂車坊在縣東清一統志 朱昂太宗朝為翰林學士引年請老上以荆

南故苑賜之力辭乃賜城東一坊是時制誥陳堯咨為尹為題其

坊曰垂車方輿勝覽 渚宮在縣城內西北隅清一統志 楚子西將入郢王在渚宮下見之宮

在郢都之南左傳正義 渚宮楚別宮今州所治即其地元和志 晉天福八

年王案即高 鑿江陵地西南隅為池立亭其上曰渚宮亭其側曰

迎春十國春秋 唐羅隱詩楚城日暮煙靄深楚人駐馬還登臨

襄王臺下水無賴神女廟前雲有心千載是非難重問一江



風雨好閒吟欲招屈宋當時魄蘭敗荷枯不可尋 又往歲鄮侯  
鎮清宮曾將清律煖孤蓬才憐曼倩三冬後藝許由基一箭中言  
重不能輕薄命地寒終是泣春風鳳凰池涸台星折回首岐山憶  
至公 鄭谷詩鄉人來話亂離情滴淚殘陽問楚荆白社已應無  
故老清江依舊繞空城高秋軍旅齊山樹昔日漁家是野營牢落  
天風高還促燕雨細未妨蟬靜引荒城望涼驚旅枕眠更堪憔悴  
裏欲泛洞庭船 宋蘇軾詩渚宮寂寞依古郢楚地荒涼非故基  
二王臺閣已鹵莽 蘇軾詩渚宮寂寞依古郢楚地荒涼非故基  
猛士操舟張水嬉釣魚不復數魚籠大鼎千石烹蛟螭當時郢人  
架宮殿意思絕妙般與匪飛樓百尺照湖水上有燕趙千蛾眉臨  
風揚揚意自得長使宋玉作楚詞秦兵西來取鐘簾故宮禾黍秋  
離離千年壯觀不可復今之存者蓋已卑池空野迥樓臺小惟有  
深竹藏狐狸臺中絳帳誰復見臺下野水浮清漪綠窗朱戶春書  
閉想見深屋彈朱絲腐儒亦解愛聲色何用白首談孔姬沙泉牛  
涸草堂在破窗無紙風颺颺陳公蹤迹最未遠七瑞寥落今何之  
百年人事知幾變直恐荒廢成空陂誰能為我訪遺迹草中應有  
湘東碑 劉摯詩神物疏靈境蓬宮挹故城清風百年內芳草幾  
重平樹色埋危屋湖光泛彩楹勝遊三島近仙界一壺清外慮隨  
塵隔虛懷敵水明松筠翠煙老臺榭綠苔生敲枕巫雲近披襟楚  
吹輕舟橫疏柳靜橋臥晚波澄事往空歌  
嘯人言自醉醒我來真漫興魚鳥亦多情

大宮楚宮也在郢城南門內江陵志餘吳入郢蒙穀奔大宮負雞次之

志十九

輿地十九 古蹟

典以浮於江戰國策案大宮疑楚之祖廟

嘉祐殿一作福在城內府志齊建武中荊州大風雨龍入柏齋中柱壁

上有爪足處及和帝卽位以為嘉祐殿齊書蕭穎胄傳案梁元

竹殿栖心省皆見於史

湘東苑在縣城內西北隅一統志湘東王於子城中造湘東苑中有

陽雲樓通波閣芙蓉堂襖飲堂隱士亭正武堂映月堂連理亭諸

勝潘宮故事案南史云元帝與宮人幸玄洲苑玄洲疑卽此苑

自覺春枝邊通粉色葉裏映紅巾帶日交簾影因吹掃席塵拂簷

應有意偏宜桃李人又夕出通波閣詩蛾月漸成光燕姬戲小

堂胡舞開春閣鈴盤出步廊起龍調節奏御鳳點笙簧樹交臨舞

席荷生夾妓航竹密無分影花疏有異香舉杯聊轉笑歡茲樂未

央 劉孝綽登陽雲樓詩吾上陽臺上非夢高唐客回首望長安

龍門不可見 空慕凌寒柏

五花館在縣城內清一統志江陵城中舊有五花館待賓客之上地也



南部新書

釣臺在縣龍陂北志臺高三丈四尺南北六丈東西九丈水經注

國志荆州龍陂北有楚王臺又說苑楚莊與晉戰勝之懼諸侯之畏己也乃築為五仞之臺臺成而鵬諸侯請約莊王曰我德薄之人也諸侯請為鵬皆仰面曰將將之臺宵宵其謀我言而不當諸侯伐之於是遠者來朝近者入賓疑即此釣臺也

陽雲臺在縣楚王所建太平御覽引荆州記案梁元湘東苑內

樹日衰颯風霜未云已駕言遣憂思乘輿求相似楚國茲故都蘭臺有餘址傳聞襄王世仍立巫山祀方此全盛時豈無嬋娟子色荒神交至魂蕩宮觀啟蔓草今如積朝雲為誰起

豫章臺楚故城址也豫章岡在其西北俗呼看花臺江陵志餘

漸臺在縣東六十里清一貞姜齊侯女楚昭王夫人昭王出遊留

之漸臺之上列女傳元楊維禎詩皎日常持信倉皇不改真君許使者來誰道汝不見君王符空傳君王語漸臺水行宮不可度妾死猶首邱君王在何處平生委質身為君此時重信輕妾身君不還妾當死臺高高水瀾瀾

志十九

輿地十九 古蹟

六

絳帳臺在縣西南清一漢馬融為南郡太守坐高堂施絳帳前授

生徒後列女樂今子城鼓角樓之西絳帳臺是其處也方輿勝覽

老詩馬融號耆舊太守南郡來橫經坐絳帳自處何崔巍帳前列生徒帳後歌管陪書生貧賤志遠以聲色回

落帽臺在縣西北十五里龍山清一統志案江陵志餘

畔累土為臺以像舊遊水部嘉定人其改置之臺在今西門外里許龍山寺側而名其土阜亦曰龍山飲黃花笑逐臣醉看風落帽舞愛落帽臺唐李白詩九日龍山飲黃花笑逐臣醉看風落帽舞愛月留人元稹詩謝公愁思渺天涯蠟屐登高為菊花貴重近臣光綺席笑憐從事落烏紗更房暗綻紅珠朶茗椀寒供白露芽詠碎龍山歸去號馬奔流電妓奔車李羣玉詩落帽臺前菊半黃行人惆悵對重陽荆州一見桓宣武為趁悲秋入帝鄉

大暑臺在縣東北清一赤湖東北有大暑臺高六丈餘縱橫八尺

一名清暑臺秀宇層明通望周博游者登之以暢遠情水經宋臨

川王義慶在郡修清暑堂輿地紀勝

讀書臺在縣東梁文範先生劉蚪讀書處明一五代時高從誨建



在城東法相院蓋本之南梁文範先生也名勝志

濯纓臺在縣西唐相段文昌嘗於江陵街西見有大宅門枕流渠

醉後濯纓而言曰我為江陵節度必買此宅眾皆笑之後果鎮荆

遂買此宅時人呼為濯纓臺明一統志

放鷹臺在龍灣市土人云楚王呼鷹之地江陵志餘明戴祁詩

臺逐兔曾經此呼鷹不再來旗支光杳霧

條鏃影徘徊駐馬夕陽下荒林鳥噪回

章華臺在沙市明一統志案監利亦有章華臺明崔桐詩沙

路烟草微金雞臺在縣東南古傳金雞嘗棲其上明天啟閒耕者於臺旁見

一瓢門入探之得銅弩石硯各一蓋古墓也府志

臥虎臺在縣城西十里府志

雍臺在縣東南三里一名鳳凰臺府志

志十九

輿地十九 古蹟五

七

萬卷閣在縣治東清一統志宋咸平初朱昂與弟協致仕上以荆南故

苑賜之昂於所居建此閣藏其手鈔書萬卷故名明統志

景玄閣在縣城內明湘獻王府內閣也楚紀王幼而粹美讀書恆

至夜分精思力踐開景玄閣招延俊父編輯墳典江陵志餘

棲霞樓在縣西清一統志江陵城西有棲霞樓俯臨通隍吐納江流水經

注劉宋臨川王義慶建縣志

雄楚樓在縣北城上唐杜甫有西北樓成雄楚都之句高氏因以

名城樓或作楚樓非清一統志高氏子城樓也今城雖遷改而名仍

存昔府志

江漢樓在縣城內高氏建清一統志案十國春秋元廉訪使益

智禮普化修趙子昂書額府志

望沙樓在縣城東南清一統志樓為高季興建以望沙津名勝志樓下桃



李羅列號曰桃源洞焉

輿地紀勝

晉高祖遣翰林學士陶穀為從誨生

辰國信使從誨宴穀望沙樓

新五代史

宋陳堯咨為郡守更名仲宣樓

府志案方輿勝覽云登樓賦在江陵作蓋因陳堯咨更名而誤

明張居正詩一樓雄此郡萬里眼全開孤嶂烟中落長江天際

來看題尋舊跡懷古寄新裁不見操觚者臨風首重回百雉枕江烟危樓倚碧天望隨雲共沒心與日俱懸柳暗迷通浦沙明辨遠川登高愧能賦空羨昔人賢

田江樓在縣東南舊名南樓

嘉慶志

世說桓玄在江陵南樓吟嘯良

久乃作王孝伯誄即此唐張九齡為荊州長史嘗眺詠於其上

志宋張栻重建易名朱子有記

一統志記詳金石

古南樓在府學前後燬

即以南城門樓當之

府志

唐張九齡詩閉閣幸無事登樓聊永

飛度鳥疾邑人半艦艦津樹多楓橘感別時已屢憑眺情非一遣懷不我同孤興與誰悉平生本單緒邂逅承優秩謬忝為邦寄多慚理人術駑駘雖自勉倉廩素非實陳力儻無效謝病從芝朮

掩雪樓在沙市大王廟前明袁稽勳宏道別業今圯又有硯北樓

志十九

輿地十九 古蹟五

八

嘉慶志

望闕樓在府治前相傳舊有銅壺玉琯漏刻分明故有荊州更鼓

澧州春之謠明末賊燬清初建即今鼓樓

府志參采訪冊

竹林堂在縣城內

清一統志

本宋臨川王劉義慶作梁元帝因而修之

渚宮故事

博古堂在縣東

清一統志

方輿勝覽田偉宅在賓陽門外燕人田偉歸

朝授江陵尉因家於此作博古堂藏書至五萬七千卷黃魯直謂

圖書之富未有過田氏者

輿地紀勝

思節堂在縣權部分司東明嘉靖初主事邵經邦置先是江寧何

遵亦以主政董權務於荆後緣諫止武宗巡遊廷杖死思節之名

所由來也

縣志

百花亭在縣東四十里

清一統志

梁家臺上舊有百花亭唐李頎詩云



百花亭漫漫一柱觀蒼蒼名勝志

湖亭在縣南三里南湖上嘉慶志唐鄭少尹審游憇之所府志唐

首碧草違春意沉湘萬里秋池要山簡馬月淨庾公樓磨滅餘篇翰平生一釣舟高唐寒浪滅彷彿識昭邱新作湖邊宅還聞賓客過自須開竹徑誰道避雲蘿官序潘生拙才名賈傅多舍舟應卜地鄰接意如何暫阻蓬萊閣終為江海人揮金應物理拖玉豈吾身羹煑秋薄杯凝露菊新賦詩分氣象佳句莫頻頻又海內文章伯湖邊意緒多玉尊移晚興桂楫帶酣歌春日繁魚鳥江天足芰荷鄭莊賓客地衰白遠來過又詩郊扉俗遠長幽寂野水春來更接連錦席淹留還出浦葛巾敲側未回船尊當霞綺輕初散棹拂荷珠碎卻圓不但習池歸酌酌君看鄭谷去黃緣

木犀亭在縣城外荆南驛故址高從誨所置府志

幽棲亭在縣城內宋朱昂致仕時所建陳堯咨為題其額曰幽棲

志一統

江亭在縣南大江北岸黃庭堅得吳城龍女詞處江陵志餘宋

翰墨場中老伏波菩提坊裏病維摩近人積水無鷗鷺時有歸牛浮鼻過維摩老子五十七天子大聖初元年傳聞有意用幽側病

志十九

輿地十九 古蹟五

九

著不能朝日邊禁中夜半定天下仁風義氣徹修門十分整頓乾坤了復辟歸來道更尊成王小心似文武周召何妨畧不同不須要出我門下實用人材即至公司馬丞相昔登庸招用元老超羣公楊綰當朝天下喜斷碑零落臥秋風死者已死黃霧中三事不數兩蘇公豈謂高才難駕馭空歸萬里白頭翁文章韓杜無遺憾草詔陸贄傾諸公玉堂端要真學士須得儋州禿鬢翁閉門覓句陳無已對客揮毫秦少游正字不知溫飽未西風吹淚古藤州張子耽酒語蹇吃聞道穎州又陳州形模彌勒一布袋文字江河萬古流魯中狂士邢尙書本意扶日上天衢惇夫若在鑄此老不令平地生崎嶇

來蘇亭在龍山寺前府志元至正壬辰兵變四川省平章文著率舟

師克復江陵謂諸將曰勿殺好百姓民得來蘇之望乃以名亭今

西門外龍王堂其基也江陵志餘

阜亭在縣沙市故城內華容孫中丞穀僑居時所置嘉慶志明

是何年築高蒼墮斧痕煙霞闌一角草樹壁孤蹲遊是歸花陌棲鴉度水村踏歌林影徧明月叩關門

司馬休之壘在城東十里府志晉劉裕擊司馬休之於江陵休之築

壘江津以拒裕兵臨峭岸裕兵無敢登者將軍胡藩以刀頭穿岸



埒容足趾騰之而上直前奮擊休之兵卻遂克江陵方輿紀要

魯宗之壘在城東十里府志柞溪水東流逕魯宗之壘水經注

平楚園在縣南湖明張汝濟別墅有萬玉山房嘉慶志

雉園在縣城南明雷叔聞別墅嘉慶志

檄公桅在縣公安門城上崇禎十四年流賊犯城司訓檄君錫獨

守不去賊黨縛之於桅攢射之三晝夜不死罵不絕口賊怒遂支

解之案明史謂死在學宮前不在城上此桅歷百七十餘年風雨剝蝕歸然不朽

嘉慶二十四年將軍恆穎作長歌弔之刻石桅旁後始仆折府志

楚宋玉宅在荆城西三里府志在北北周庾信居之清一統志信因亂遁

歸江陵居此故其賦曰誅茅宋王之宅李義山詩可憐留得臨江

宅異代仍教庾信居是也西溪叢話唐張說庾信宅詩蘭成追

兩神包胥非救楚隨會反留秦獨有東陽守來嗟古樹春吳融

宋玉宅詩草白煙寒半野野陂臨江舊宅指遺基已懷湘浦招魂事

志十九

輿地十九 古蹟五

十

更憶高唐說夢時穿徑早曾聞客住登牆豈復見人窺今朝送別來經此吟斷當年幾許悲

晉羅含宅在縣西北清一統志含轉荆州別駕以廨舍喧擾於城西池

小洲上立茅屋織葦為席而居晉書今承天寺是其故址名勝志

宋郭仲產宅在縣東清一統志仲產為南郡從事宅在江陵縣東十五

里枇杷寺南其村亦名枇杷村渚宮故事

王鎮惡宅在縣東五里清一統志後為靈曜寺輿地紀勝

宗炳宅在縣東清一統志炳棲邱飲谷三十餘年於江陵三湖立宅又

徙高沙湖宋書本傳湖南林野清曠故炳家焉寰宇記引荆南志明

中有幽人宅所志在名山閒居樂蕭瑟老病滯遠心游履循遙跡

撫絃泉石開規圖煙霞積不知軒冕尊但覺雲林隔子孫凜素風

長嘯向阡陌詎效充隱名徒羨終南辟

齊劉虯宅在縣高沙湖方輿勝覽虯罷官歸家不應辟命以江陵西沙

洲去人遠乃徙居之齊書互詳松滋



宗測宅即縣永業寺府志測少靜退齋莊老書往廬山後送弟喪還

留舊宅永業寺齊書

唐韋宙別業在縣東清一統志唐相國韋公宙善治生江陵府東有別

業良田美產最號膏腴而積稻如坻皆為滯穗北夢瑣言

五代倪可福宅在縣東三十里子孫聚居於此號諸倪岡十國春秋

梁震宅在縣東六十里清一統志震築室土州曰稱荆臺處士土洲江

陵九十九洲之一也通鑑注江陵縣有多寶陂江漢志云梁震所居

名梁家臺輿地紀勝

宋胡安國宅在縣北嘉慶志地名新店方輿勝覽守孫居焉元時復其家

清一志

張商英宅在縣城東四十里府志

明遼王府在縣城內清一統志本湘王府明洪武十一年太祖封第十

志十九

輿地十九 古蹟

十一

二子湘獻王柏於此建文中國除徙封太祖第十五子遼簡王植

遂為遼王府嘉慶志有堂曰寶訓曰味秘有亭曰素香六合聽鶯又

益陽王府有館曰綠花光澤府有堂曰博文江陵志餘皆在府城內明

統志惠府則今府治明天啟七年封神宗第六子常潤於此嘉慶志

張居正宅在東城府志樓曰捧日堂曰純忠聯曰汝惟鹽梅汝作舟

楫皆萬曆御書後樓圯堂存江陵志餘後人即宅為祠以祀之采訪冊

楚莊王冢在城西龍山鄉府志前後陪葬者十冢皆成行列洛宮故事

康王冢在城東輿地紀勝左傳襄二十九年葬楚康王魯公陳侯

鄭伯許男送葬至於西門之外是也府志

平王冢在斑竹岡府志斑竹岡去城五十里楚平王墓在焉江陵記

樊妃墓在縣東南郢城西府志如為莊王夫人今謂之諫獵墓一名

九里冢寰宇記唐張說詩楚國所以霸樊姬有力焉不懷沈尹祿誰進叔敖賢萬化茫無在孤墳獨歸然北分陽臺陌南



識郢城阡漠漠渚宮樹蒼蒼雲夢田登高形勝出訪古今名傳自  
我來符守因君樹蕙荃詩書將變俗絺繡忽彌年志闡三折後愁  
值二毛前佇立帝京路遙心寄此篇張九齡詩蘋藻生南澗蕙  
蘭秀中林嘉名有所在芳氣無幽深楚子初逞志樊妃嘗獻箴能  
令更擇士非直罷從禽舊國皆湮沒先王亦莫尋惟傳賢媛寵猶  
結後人心牢落山川意蕭疎松柏陰破牆時直上荒徑或斜侵惠  
問終不絕風流獨至今千春思窈窕黃鳥後哀音

漢趙岐墓在縣東南府志在郢城中岐平生自所營也冢圖賓主之

容用存情好敘其俗尙矣水經注案後漢書注冢在今荆州古郢城中也

梁元帝陵在東門外

宣帝陵在縣北四十里紀山

愍懷太子墓在紀山

明帝陵在紀山以上府志唐呂溫詩卽讐終自翦覆國豈爲雄  
假號孤城裏何殊在甬東祀夏功何薄尊周義不

成淒涼庾信賦  
千載共傷情

顏協墓在縣東門外草市之推父顏氏家訓云先君先夫人皆未

志十九

輿地十九 古蹟

還建業舊山旅葬江陵東郭縣志

唐段文昌祖墓未詳所在唐書案府志云文昌墓亦在荆州

五代高氏三王墓在縣西龍山鄉郝泉里武信王季興文獻王從

誨正懿王保融也清一統志

宋唐介墓在城西龍山

畢漸墓在城東北二十里

明湘獻王墓在城西太暉山

遼簡王植墓在城西北八嶺山又肅靖惠恭莊諸王墓俱在八嶺

山

劉儁墓在城西龍山門外十里祕師橋

何忠墓在城口穆家垸

錢錞墓在城北馬山



張居正墓在城東三里

張懋修墓在草市天井淵

金枝寺在縣鶴穴下二十里相傳三國時蜀建清乾隆時重修內有唐岑文本碑記殘碣剝落僅存九十餘字

承天寺在駐防城內晉永和中建為羅含故居歷宋元皆為大刹明遼藩時屢修有古舍利七唐畫羅漢十六彌勒瑞像僧伽妙應塔大鐵鑊一清康熙甲戌將軍莽奕祿乾隆乙酉將軍素玉相繼補修同治五年將軍巴揚阿重建府志以上

長沙寺在縣城內晉永和中郡人滕峻捨宅建峻故長沙太守因名長沙寺內有阿育王像屢著靈異後移置天皇寺清一統志又齊書

蕭穎胄傳長沙寺僧業富沃鑄黃金為龍數千兩埋土中歷相傳付稱為下方黃鐵莫有見者穎胄乃取此龍以資軍實嘉慶志原案云府

志十九

輿地十九 古蹟

三

志引法苑珠林備載神像諸靈異且言中大通四年迎至金陵大寶三年迎還考梁書諸夷傳言晉咸和中丹陽尹高悝得阿育王造像載至長干巷牛不肯進因留像付寺及大同中敕廣寺域造諸堂殿并瑞像周迴閣等窮極輪奐即本紀所書駕幸阿育王寺大赦天下者也像設既同靈異相等崇彼迎此史無明文疑釋家夸飾之詞未可據為故實耳

河東寺未詳晉建久廢府志唐道宣律師感應記荆州河東寺

有河東目也有東西二寺昔苻堅伐晉荆州北岸並沒屬秦時桓冲為荆牧邀翼法師渡江造東寺安長沙寺僧西寺安四層寺僧苻堅沒後諸地還晉二寺僧各還本寺東西寺因舊廣立自晉宋齊梁陳氏僧徒常數百人陳末隋初有名者二千五百人淨人數千大殿一十三間唯兩行柱通梁長五十五尺欒櫺重疊即彌天釋道安使弟子翼法師所造也自晉至唐曾無虧省殿前四鐵鑊各受十餘斛以種蓮華殿前塔宋衡陽王義季所造案府志原案云此則河東寺為東晉時創歷歷有據乃唐書蘇良嗣傳荆州河東寺蕭譽為兄河東王所建良嗣曰江漢間何與河東乎奏易之而當世憾其少學云是不惟良嗣未識河東始末即唐書亦未知為釋道安弟子翼法師所建也

白馬寺一在縣治北一在城東八十里晉沙門安世高建安侯世高安息國王子學道入中國至廬山宮亭廟廟神見之淚出因標



姓字則是昔友安爲梵誦懺悔乃現真形一大蟒也七日而死先是廟神最靈舍財山積從此歇絕遂以廟財建荆之白馬寺幽明錄牛牧寺在縣東門外二十里晉建義熙八年王鎮惡襲劉毅毅夜投牛牧寺不納縊於樹而死

天居寺未詳梁承聖中建宋書王僧辯傳武陵王擁眾上流僧辯被詔西討輿駕出天居寺餞行

靈曜寺在縣東湖名勝志宋王鎮惡故宅

四層寺久廢法苑珠林宋沙門竺慧熾住江陵四層寺永初二年卒弟子爲設法會以食肉受報現形示驗

永業寺久廢宋宗測舊宅在馬志餘測祖少文居江陵三湖此寺或在三湖間

竹林寺久廢南齊書和帝紀中興元年五月乙卯車駕至竹林寺

志十九

輿地十九 古蹟

西

宴羣臣

枇杷寺久廢或在枇杷門以地宜此樹而名也渚宮故事郭仲產爲南郡從事常居枇杷寺南以上縣志

天皇寺在縣東草市梁建一名乾明寺清一統志今名護國寺府志有晉

王右軍書唐杜甫詩自注梁張僧繇嘗於此寺圖盧舍那佛像夜有奇光

發自屋壁又於柏堂內圖孔子十哲像或謂釋門之內何寫素王

之容僧繇笑曰吾誠偶然其或利於後也及後周滅二教梁爲附

庸荆楚祠宇莫不折燬惟天皇寺有宣尼像遂爲國庠時人歎其

先覺渚宮故事又有自來瑞像元趙孟頫金書孔雀經江陵志餘明

像記張無盡有慈氏瑞像贊蔣氏有記傳者以爲天皇山自來佛余初疑之既讀法苑珠林載廣州商舶事與記略同然據像乃伽耶非補處也時乃東晉永和五年有廣客舟下載未竟夜覺有人奔舟迹之不得而載忽重既達渚宮若有人躍而上舟遂輕是夕現像於郡城之北鎮牧而下傾懷渴仰如覩慈



母千眾咸迎凝然不動有道安弟子曇翼卓錫長沙寺聞之歎曰  
斯余本誓令小師三人導之颯然輕舉遂歸長沙後蜀賓僧伽難  
陀瞻像悲咽謂曇翼曰近失天竺何為遠降此土詰其年月無不  
符合細勘像文有梵書阿育王造四字宋齊以來放光現瑞異迹  
尤多今其相貌衣褶已被庸工數髣髴不可見字長沙寺者郡  
人滕峻舍宅為寺故長沙守也夫宣父不語怪而至於禘嘗郊社  
則云不可知聖人蓋以不可知為怪非直無之也又云治國如視  
掌此歡喜贊歎之極形容不及之詞也聖人蓋以形容不及為不  
語非直蔑視之也以為直無而蔑視此宋儒師心之弊是波旬說  
非聖說也言者以為堯舜禹湯文武其迹皆平平無他異而釋氏  
幻詭奇變似非經常之旨夫世代有升降而聖賢之軌轍亦異故  
禮樂盡而刑書出鞭撻窮而靈怪顯夫道不知有法也而其詔而  
誓必質於神故怪之攝人捷於詩書劍戟故天不有祥雲異氛  
珮玦流孛之怪則天不畏地不有芝草靈木崩吼震竭之怪則地  
不靈夫天地非故為妖異以駭世也所以導聖而警頑也且佛未  
始不常其談心談理使人蹈律而行義則固典彝也聖未始不怪  
如儀鳳浴龜出圖躍魚金泥玉簡之錫龍孽水妖之伏固亦世儒  
之所怖聞也或曰信爾聖賢奚不恆為怪以攝天下是不然辟如  
花之根株梢葉常物也而偶爾一萼則人爭異萼愈難人愈怪使  
花而常萼花將不重花而止於根株梢葉花之廢久矣此佛與聖  
賢之微旨也郡侯徐公見可以常道治民又推宣尼歡喜贊歎之  
意莊嚴佛廬善巧道世王政所不廢也林君茂化吳人也郡侯嘉  
其賢託以茲殿堅緻完好若鬼工焉其人雅士樂其奇而悼  
其廢非區區為福田者也蘇潛夫別有文悉其事余故不贅

陟屺寺在縣東三十里梁建

清一統志

禪師元覽道高有風韻人不可

得而親張璪嘗畫松齋壁符載贊之衛象詠之時稱三絕

西陽雜俎久

廢惟陟屺橋故跡尙存

府志

唐符載雲上人院壁張璪員外畫

化敵根如蹲蚪枝若交戟離披慘淡寒起素

開聖寺在縣北紀山梁建久廢

嘉慶志

梁宣明帝百八寺之一也

志餘 唐元稹詩梁葉雄圖盡遺孫世運消宣明徒有號江漢不  
相朝碑碣高臨路松枝半侶樵惟餘開聖寺猶學武皇妖 李涉  
詩宿雨初收草木濃羣鴉飛散下堂鐘長廊無事僧歸院盡日門  
前獨看松 温庭筠詩路分溪石夾煙叢十里蕭蕭古樹風出寺  
馬嘶秋色裏向陵鴉亂夕陽中竹閒泉落山廚靜塔  
下僧歸影殿空猶有南朝舊碑在恥將興廢問休公

瓦官寺梁書后妃紀世祖徐妃葬瓦官寺當在瓦官門外

天宮寺法苑珠林梁元帝造天宮天居二寺供有千僧自講法華

成實

祇洹寺久廢通鑑梁元帝曾宿此



景福寺未詳梁明帝時建金石史後周趙文深一作淵至江陵書景

福寺碑梁主稱之以上府志

曾口寺在縣西南曾口梁建清一統志唐段文昌題曾口寺云曾遇閣

黎飲後鐘卽此江陵志餘

大明寺在縣城北後梁大定八年建久廢寺有旃檀瑞像府志梁江總

優填王像銘如花警象似火疑龍毫光此遇法相今逢降雲齒雪月貌金容大仙下降避席爲恭

紀山寺在縣北隋開皇中建嘉慶志有反掌祖師塔府志

報恩寺在縣城東一百二十里唐武德間建宋乾德四年甘露降

於寺又南門外亦有報恩寺府志

靜勝寺在縣龍山唐咸亨中建今名山南寺府志唐張說詩每

樹鬱弗吐岡嶺微蒙在煙霧下車歲已成飭馬閒餘步苦霜裏野草愛日揚江煦雲封石上塔風吹松下路禪室宴三空神祠同六

趣兒童共戲譚猿鳥相驚顧南識桓公臺北望先賢墓世上人何在時聞心不住但傳無盡鏡可使有情悟元稹詩謝傳知憐景

志十九

輿地十九 古蹟

共

氣新許尋高寺望江春龍文遠水吞平岸羊角輕風旋細塵山茗粉含鴈背嫩海榴紅綻錦窠勻歸來笑問諸從事占得閒行有幾人

玉壺寺在縣東四十里唐開元間建左有象湖右有鼓湖嘉慶志案府

志作左有鼓湖右有象湖

白犢寺在縣岑河口下十五里唐開元間建縣志

資聖寺在縣東南距鶴穴二十里唐天寶間建明成化間開爲叢

林清乾隆間火僧靈澄募建道光十七年知府王若閔重修府志

莊嚴寺在城東南唐貞元間建內有息石府志高子勉息石詩序在

江陵莊嚴寺或云韞玉路史唐鄭谷題莊嚴寺休公禪房詩秋

甚見容疏鐘和細溜孤塔等遙

天王寺在縣南唐元和間道悟禪師建宋廢清順治十五年水鑑

海禪師重建內有古鐵相傳宋岳忠武征楊么時所遺約重五千



斤歷元至明委榛莽中治人屢思竊去輒大雷雨清初總兵鄭四維發卒移取鑄礮天忽晦冥風沙頓起人皆驚仆及水鑑建寺乃

移入寺中

嘉慶志 清鄭日奎記唐貞元元和間真僧輩出而佛理宗乘於時不盛在荆南則天王天皇二禪師其炳炳

矣二師生同時住地而一嗣南嶽一嗣青原其功行亦正相等是則當日卓錫之場即為後世傳衣之地固當互累劫而並存然數百年來天皇猶有寺也而天王遺蹟已付之斷煙殘照其荒落也不知幾年矣夫天道悟師本渚宮人也嘗謁馬祖時祖囑曰汝若住持莫離舊處師便返荆結廬距郭不遠後節度使邱元素遂於府西創寺居之額曰天王即師他日示寂地也稽之往牒碑志猶存今寺既不可考即荆郡乘亦略不多及亦獨何哉蓋嘗考之後周時詔廢浮圖凡天下寺塔悉就毀滅獨天皇時以有張僧繇所繪先聖像存焉遂得獨免豈天王寺之廢適在是時耶獨怪天王之裔數傳而為雲門法眼二宗系號稱最盛兒孫遍天下而祖父發祥之處莫有過而問者不大可悼歎乎順治戊戌有水鑑海大禪師駐錫於荆深慨夫法席之傾頽致衣珠之迷失而悲愍獨切焉因為菟之得荒基一片於榛莽中尚餘塔址鐘鐵且此地周圍十里許社名天王堂是則當日天王道場端在是矣因以大願力共此都人士經營之無何如殿閣門廡煥然大備舉數百年久湮勝蹟而一旦勃焉重興非甚盛舉哉越甲辰余以權事至荆間一遊覽不勝讚嘆寺僧明哲因以其碑記請焉余雖謏劣無文然竊幸天王有靈遺蹟復炳使至止斯地者得從瞻依禮拜其

志十九

輿地十九 古蹟

七

下想見當日馬祖所謂識取自心本來是佛之指則是天王一燈常明斯世實維鑑公大禪師斯舉是賴焉遂為斯文昭以誌之若日名人之文可垂不朽欲以補郡乘所未備而遠與僧

普護寺在縣龍灣市熊口坑唐會昌元年建明永樂勅賜金鈴金

杵前有龍泉池大旱不涸

縣志

龍堂寺在沙市唐建初梁大同二年江津地有一竅上浮雲氣久

之龍出騰空不見唐太和間太旱為災迎澧州龍潭悟性禪師禱

雨結壇斯地禱雨立至因建寺曰龍堂明景泰間重修舊有九井

廣輪百畝今亡其六矣

府志

二聖寺在縣城東諸倪岡唐開成中建

府志

龍興寺在縣內唐建今廢唐詩紀事黃巢之亂貫休避地渚宮荆

帥高氏優待之館於龍興寺

府志 唐綦母潛詩香刹夜忘歸松陰古殿扉燈明方丈室珠繫比邱衣

白日傳心靜青蓮喻法微天花落不盡處處鳥銜飛 孟浩然詩閣道乘空出披軒遠目開透迤見江勢客至屢緣回茲郡何填委



遙山復幾哉蒼蒼皆草木處處盡樓臺驟雨一  
陽散行舟四海來鳥歸餘興遠周覽更徘徊

菩提寺在縣東五里唐建依古大隄隄為節度使段文昌所修又

日段隄寺荆寺雖廣而此利較稱淨僻今圯縣志

資福寺在縣城東南化港唐建府志

頭陀寺在縣東九十里赤岸唐建內有古鐘相傳每夜自躍鳴入

淵且眇藻痕宛然怪之改範為鼎今尚存縣志唐李涉詩無因  
暫泊魯陽戈白髮兼愁

日日多只恐雪晴花便  
盡數來山寺亦無他

觀音寺在縣沙市地名白船套前後二刹後寺唐建前寺明湘獻

王建前有石刻董其昌黃輝所書金剛彌陀經嘉慶志

普陀寺在縣東十五里唐建明修今廢府志

鐵女寺在縣治東唐時建祀孫二孝女明嘉靖二十四年重建縣志

明遼王憲儼記荆州府治之西隅有鐵女廟肇建自唐其來遠矣聞其事若涉於誕異而不經載攷諸誌則有足徵也矣何也粵

志十九

輿地十九 古蹟

古

稽唐時有孫姓者監鐵冶之任以數罔協法當坐而囚之二女者  
痛其父之冤也投爐而死遂化為二鐵人焉於乎奇哉有司以聞  
於上卒釋其罪並賜祀典以彰孝烈顧世遠人亡而厥跡猶存矧  
二女之高風誠有不可泯焉者往者廟宇傾頽周垣盡圯賴我先  
王從而葺之撤故易新扶敲植頽而繪而隅而垣而奧規制俱備  
儼然維新第末文為之記是缺典也予有一國之責將納民於軌  
物者其容以無言乎乃為之伐石立碑以垂久遠竊歎曰人受天  
地之中以生厥初無有不正顧物欲蔽之存焉者寡以至愛身惜  
死數倫滅理者豈少哉若二女者其良心之明而義氣之激有  
不容已者歟於戲是可以風斯世矣夫有蹟弗彰無以昭古有善  
弗表無以勸天下也蓋好善惡惡人心所向以勸來也表鄉以勸國也  
表國以勸天下也蓋好善惡惡人心所向以勸來也表鄉以勸國也  
世不然何頑廉懦立成於伯夷之清而聞下惠之風者鄙夫寬而  
薄夫敦乎是故樹不激則不搖水不激則不流人不激則不興使  
荆之士知二女之善也而法之則所以為忠為孝者不容已矣使  
荆之女知二女之善也而法之則所以為貞為節者不容已矣誠  
如是予焉得不為之記以傳示將來者乎若夫尼僧者流不過以  
奉香火而司守廟之責是文之設豈為若人重哉後有議淫祀之  
毀者是廟可府志今為女尼焚修之所府志

南多福寺在縣鶴穴下三十里後梁龍德中建清乾隆壬子重修

佛華寺在縣公安門外古傳高季興五女俱出家各止一寺一佛



華一菩提一莊嚴一石佛一法輪今石華尙在莊嚴寺乃碎石合  
成其住山皆女尼也

金果寺在縣東一百十里後周顯德中建

七臺寺在縣大江南岸宋開寶間建

妙濟寺在縣高得莊宋太平興國年建原麗江澣殿宇凡十二層

鶴穴禪林惟茲為最元時燬於火明洪武間重建崇禎壬午賊燬

天王殿基亦淪入江今枝利分爲八

圓通寺在縣梅林莊宋嘉祐間建

龍成寺在縣大隄內張家場西宋景德間建以上縣志

華嚴寺在縣城東岑河口宋建府志張商英故宅捨以為寺江陵志

胡在恪記遠之非王參軍頭陀之文近之非董宗伯觀音之榻而  
欲從風瀉琅玕雨肥首宿中拈一驚嶺雞園馬鳴龍樹之談  
妄附於象教珠林勿論以儒者爲此蒼黃歧路標異鏤分即於五  
衍八正直如井中之見數星耳人能見其所及覺而不能見其所

志十九

輿地十九 古蹟

九

不及覺嘗聞佛者覺也覺一切種智復能開覺有情然則猶是未  
免於有故常訓其所不足之說也有與不足之說則吾可得以儒  
者之理通之於盛衰修廢之故矣華嚴寺在郡東四十里之岑河  
口相傳創自晉初至宋張無盡居士更復施建人世代謝往來古  
今飾以丹堊化爲黃土物換星移不知凡幾皇清順治戊己庚辛  
間因基拓表創閣臺觀使村籬社柘隱然見兜率香城則天門一  
希之飛錫而縱橫以量者夫一希何以能得之於曩時也蓋吾郡  
自甲戌來穰槍旬始纏於壬午癸未郭周遺室壑無完樞而且乙  
酉丙戌春狹獮鏖齒之寇蔽於四野門於壘舍摩牙而齧糜之須  
與將盡矣天兵禁旅風馳電掃維我荆民乃得殞絕復聯再生大  
造中故今版籍戶口之數大率丙戌丁亥子第十有八九焉於時  
幸離湯火安堵返本而姦黠淫靡之徒饑瘠而飽誘之者尙少衣  
食才足不煩費而重犯法願易止而前易爲德一木千工爰得各以  
其歡喜奉佛此謀始之難而易也前者鳩危猶有未竟戊戌水患  
頻仍後郝穴決於丙辰之五月辛酉壬戌黃潭相繼告潰閩閩疆  
理盡窟窟龍惟市刹之歸然一粒環託千艘而棟宇之所震凌垣  
砌之所碾錯有不止於崩雲屑雨此圖終之易而難也寺之老僧  
乞諸檀越越垣斤鏤金碧莊嚴底於有成礮石請記於余亦以岑  
河一曲映帶吾廬其所從來者遠也其所從來者近也所見所聞  
所傳聞能備言之而不能信其言之不文也且如王珉羅舍之事  
已自愧乎無其地矣而復不入遠公之社不結空門之友抑安識  
夫鹿苑金輪導覺水之塞源鶴林香界拯法雲於落仰者顧前所  
謂盛衰修廢之故可通以有與不足之說則不妨以儒者迂闊之  
見於色相空中高瞰四流六度而知能捨者之於理不惑存誠者



之有感必通耳今者大千法界內伏遇我皇上聖神文武天璽天縱湛恩嘉祉一道同風川醴泉而扇蔚蒲巢鳳凰而苑麒麟諸當事者承流布愷稍翹寧人而招提阿練晨鐘暮鼓藉以綴都邑之景物助忠孝之感發又奚翅於洞簫長笛者矣若乃岷江緣乎其南岑河趾乎其北西則章臺龍山紆徐而隱轡東則漢潛沮漳草濼以隴匯民命倚江漢之堤治生惟耕釣之具在康阜繁庶之會曾何計乎養一僧之以幾家而舉百廢之必兼及空諸所有實以志備云爾

普庵寺在縣官第一都宋紹興中建

鐵佛寺在縣西南七里江隄畔宋紹興中建

普仰寺在沙市宋紹興間建寺內有井水極清冽清雍正丙午丁未閒大疫飲之即愈

善因寺在縣西門外五里宋紹興間建

濠林寺在縣北三十里宋乾道間建

宜陽寺在縣城東六十里宋淳熙間建

石潭寺在縣城東八十五里俞潭莊相傳宋淳熙間建明隆慶二

志十九

輿地十九 古蹟

年遷於了角廟場南

北多福寺在縣東一百二十里宋嘉定間建

寶梵寺在縣八井莊宋嘉熙間建

西陵寺在縣西二十五里宋淳祐間建

彌陀寺一在李家埠一在江南岸宋淳祐間建

永安寺在縣黃潭隄內宋咸淳間建

明堂寺在縣城東一百二十里宋建

鐵輪寺在縣城東六十里宋建明重修以上縣志

黃屯寺在城東四十里元延祐年建府志案志餘云相傳俞潭

曰伍屯寺孟屯寺許屯寺彭屯寺曾一閣楊一閣馬一閣似皆營屯姓氏後為精藍鬼燐佛火轉盼滄桑矣

章臺寺在沙市元泰定間建寺有古梅旁有看花臺嘉慶志今圯寺

畔有沈香井一名澆花井縣志



龍山寺在縣西二里許明建故來蘇亭址也嘉慶志

護國寺在府治東縣志云在子明崇禎中惠藩建大雄殿後一寶

鼎高三尺許乃遼邸分封舊器斑駁陸離不辨為何代製藏經閣

內龕備極工緻亦古法物也其餘亂後無存嘉慶志明夏尚綱

也自三國鼎立以兵相爭荆州自是以關公重矣繼其後者莫甚  
於羊祜杜預立碑沈石照耀山川六朝以來有西陝之號比於周  
繼由來舊矣今王懿親明德分符以進歲已卯命尚綱借錢中翰  
鳳覽卿使命之日惠殿下肅虔乃事與諸郡爵行册封斬水王如  
禮畢因迎謂日不穀自戴天子命得食租衣稅茲土歷十三載矣  
靜念國恩深未報塞萬一因拓地為寺名曰護國以迓神庥為上  
為民助流德化臣之義也子其止於是余聞肅然起敬出見縉紳  
大夫及鄉三老言日荆自有寇警悉索敝賦疲於奔命古沙頭市  
者舟車駢集為四方商賈輻輳地王既從郡守請捐五千金重關  
設險俾各有寧宇又慮游手不事之人散處煽亂乘焚利之建歲  
不登則營而郊有警則役既餉其口以過其邪萌復併抵其手足  
以勵惰氣是役也合藏經之用費四十萬金而得帖然安枕神足  
民生幽明協贊矣余領其言因循遲而人寺初為府左邊隙地關  
廟在西矢棘鳥革插天而上形勝不足相敵遂庀材鳩工闢而崇  
之棟宇之宏麗法像之莊嚴俱極極般之巧余登閣瞻矚則見河

志十九

輿地十九 古蹟

三

山縈繞近在襟帶而乘障列成歷歷皆可指數因慨然嘆曰王之  
功信不獨為寺設也由王言乃心王室精白之義也由荆人言多  
者蓋處變不渝人心所恃以安人心安則兵以不戰而屈楚寇在  
門庭王既捐金以明我之有餘而復立寺以震敵之無恐內釁銷  
外侮戢矣且關公功著荆州羽翼漢室為吳魏所憚今寺與祠相  
望不獨形勢並重有如輔弼既可質其事君之心復欲同其震賊  
之義荆州昔以公重者今復賴王之善事而天供養緣寺基則南  
覽之士悅梵宇之宏規頌賢王之善事而天供養緣寺基則南  
德之者反湮而不傳也再詳其事以永人天供養緣寺基則南  
通衢北臨藩城東接嵩祝西連坊道誌殿宇初步為金剛殿進為  
天王殿左右為鐘鼓樓升之為大雄正殿祖師伽藍二堂暨諸精  
舍列於兩廡次為圓通殿奉三大士及華嚴塔尊勝幢者以大勢  
至地藏翼之內朝天古鼎一座璀璨中輝相傳為元宮法物遷自  
遼邸雨雪不能侵數十步照人鬚眉如鏡烈日午後不改清涼則  
分封時重器也後為藏經閣毘盧性海閣環列拱峙內貯南南北  
龍藏閣之右為施茶亭左為香積廚禪說堂廩舍蔬圃備焉稽創  
建之始廉選淨修佛行伴讀臣寇進以布局開基並左右承奉以  
接引告厥成功庚辰二月八日迎西來禪庵和尚為開山住持傳  
臨濟正宗乘華山具戒廣福田之資紀供器文備以便敷實省歲  
祿千餘置石灰橋花洋罽福田三處糧田租田畝載冊週圍店  
舍一百五間每歲額租錢四百串以供前後殿宇佛前香燈一  
剛殿鐵爐二天每歲額租錢四百串以供前後殿宇佛前香燈一  
小銅爐一花瓶燭臺四正殿化錢爐二大銅鐘一大銅爐三大花



瓶燭臺六古銅爐三中古鐘爐花瓶燭臺六銅磬一銅靜鐘一左  
右禪臺古銅爐二銅花瓶燭臺四銅報鐘一圓通殿古銅爐三花  
瓶燭臺六銅磬一左右銅爐二銅靜鐘一配殿銅爐二花瓶燭臺  
四藏經閣中古銅爐一花瓶燭臺二銅磬一閣下供大龍龕一座  
迺初封之遺物也並前  
後殿宇供器例得並載

法輪寺在城安瀾門外後改建淨業堂右爲何璧之墓胡汝亨題

曰千秋忠俠今廢江陵志餘 璧之字玉長上書援遼 不果客死於荊荆人爲卜厝於此

興國寺在縣治東北一名放生池清康熙丙子建乾隆戊申江水

潰城寺盡圯越二年重建縣志

葛陂寺在縣西十五里郡志丹陽葛洪棲鍊之地化龍昇去丹井

存焉志餘按晉史洪無遊楚之跡稚川述神仙傳已有葛陂君葛

陂夫人之說水經注云汝南平輿縣有葛陂方數十里水物含靈

多所包育費長房投杖化龍之所志言附會於此歟府志

壽聖寺在龍灣市南一名三鴉寺百丈禪師道場嘉慶志

志十九

輿地十九 古蹟

三

明寂寺在縣城東北鼓湖中一名鼓湖寺府志

東寺在縣東五十一里又西寺在東寺南

報國寺在縣治西

祇園寺卽萬福樓在縣城東

朝陽寺在縣城西

石佛寺在縣南門外三里

延慶寺在縣小北門外里許以上縣志

雪山寺在沙市今廢名勝志寺內有勝因院府志

大崇福觀未詳唐聖曆二年建久廢唐陳子昂有大崇福觀記府志

金石記見

開元觀在縣治西唐開元間建嘉慶志 名勝志 宋查藻詩斷 碑最古開元時上有模糊五千字

有天尊鐵像輿地紀勝



景明觀在縣東門外唐建世傳唐時有景星墜其地立觀以鎮之或曰舊為老君宮故前殿獨設老子像與他觀異觀旁有九陽井

縣志 詳山川

佑聖觀在縣虎渡口唐開成中建府志

祈真觀在縣城西南白龍橋隄內唐建明修縣志

超然觀在沙市府志宋天禧中道士劉去泰居此號元靖先生又有

道士稱紫府先生者羽化葬於此逾月有吏自西蜀來云見之於

成都寄以隻履而返名勝志

紫霞觀在縣西謝家院宋政和閒置府志昔有鄧道士居此丹成仙

去鱸傍遺丹二粒鮑氏二婦吞之隨亦仙去縣志

三清觀在沙市宋淳熙閒建左有文昌閣嘉慶志明初改為荆南道

行署後復為觀府舊志

志十九

輿地十九 古蹟

東華觀在縣東草市宋淳熙閒建

冲和觀在縣東八十里宋淳熙閒建明天啟二年重修

普化觀在縣大江南岸宋咸淳閒建

青龍觀在縣旦甲莊宋咸淳閒建

許仙觀在縣東南鶴穴鎮西宋咸淳二年建明崇禎閒江岸坍塌

移建本鎮唐家灣

崇道觀在縣東南麻田岡宋咸淳閒建清乾隆壬子重修

玉真觀在縣東南九十里宋建以上縣志

玄妙觀在縣北嘉慶志元九老仙都宮即此詳明嘉靖閒遼藩重建

萬曆十二年修據沈記增明沈一中記荆州在勝國時為中興

元為記其事授經郎臨川危素書丹記稱觀地係城中張氏故居今漫不可攷國初在行省旁正德癸酉燬於火改建江陵縣學前東南後憲副楊守禮廢為書院復徙今城北世廟時上居西齋宮修默朝上帝之術而故遼王承風指簪冠被篋請於朝封為忠孝



真人仍以書院復為觀而以初徙觀署名崇元迨玄妙神像道士  
等併入今觀云觀有四聖殿三清殿左有廊廡最後置高臺為玄  
武閣王所建也臺東為聖母西為梓潼二殿而玉皇閣居臺前湫  
隘不稱萬曆十二年當陽紫觀人向德初遇來乞疏募緣拓而  
大之甲午秋九月四日余至觀行禮遍參諸天尊真人像金碧煥  
耀甲於城闈既偉其制而嘉道人能繼其功夫今荆州所稱祝釐  
以延國家之慶者唯承天能仁寺及今玄妙觀二字而已能仁寺  
雖經兵燹不它徙而觀倏廢倏徙泡無定居一毀於臬副再毀於  
道人德初迺能於十年中為修未宏之制使道教彰彰若旬始攝  
提極建中天終為九老武其志固不可嘉與案嘉慶志原案府縣  
志并以玄妙觀為九老仙都宮今攷歐陽公所記九老仙都宮之  
額使洞雲并主兩山是宮與觀非一地也萬曆初巡道沈一中撰  
重修玄妙觀碑混宮與觀而一之而又謂觀經再徙則今之觀已  
非復元時舊址矣然歐陽公所撰宮碑今在觀此說得之者二而  
其失之者一據歐陽元宮碑現存觀中謂觀即九老仙都宮之故  
址一得也謂碑記云使洞雲並主兩山是宮與觀非一地二得也  
不知九老仙都宮未建之前自有玄妙觀故使洞雲領之考圖書  
集成云觀創自東晉永和二年雖未悉其何據然可為觀最古之  
證明代合觀於宮而遂奪宮之名以致沈記混而一之蓋已不能分矣

神霄觀在縣獨陽莊元泰定間建

府志

太暉觀在縣西門外案嘉慶志作縣北誤明洪武二十六年湘獻王建清順

志十九

輿地十九 古蹟

三

治甲午年修康熙二十二年乾隆十一年重修有明廣元王憲燦

重修太暉觀金殿顯靈碑記

府志 明廣元王記國西郊有觀曰太暉為國立也者其來已遠設有殿

閣天門幃城左右廡遍數琳宮獨此雄甲荆楚人稱賽武當焉其  
尊奉香火有五曰三清玉皇聖母梓潼元帝是也其崇祀之義四  
曰宗無為之道也高太上之德也顯施生之化也昭神道之教也  
此皆有關於國家之治道也者何也為其能操禍福災祥之權以  
佐王政之所不及也神在冥漠虛空中本無象託之象者假也非  
真也不託之乎假則不顯其真是故有所託而假之也乃其神之  
所託則有時而顯而晦顯者其常也晦者其變也晦顯不可為常  
者則有關乎國家消息盈虛之數而未易言矣曩昔我先王奉穆  
宗莊皇帝明命總國而理也興黍離之宮翦銅駝之棘紹天潢之  
派清王路之氛諸所廢墜漸次振舉鼎鑄帝象以金莊廟貌肅人  
心神威與國勢並張如執左券而兩相符者余不穀欽奉我今皇  
帝勅命敬承社稷以來恪遵皇祖寶訓舉凡國之大典禮有今皇  
之戊子歲春司觀者以頽圯告爰是命太占龜卜命匠石鳩聚定  
中經始為眾庶先大建殿閣門廡次第乃事神功告成巍峩障煙  
霧壯麗耀日月翬采軒翔金碧掩映一洗陋規山川靈氣蒸鬱遠  
峰屏立曲水帶繞適增奇勝喬松古木亭亭霄漢靈籟唱和如奏  
帝樂祥雲紫氣團為芝蓋蓬萊壺嶠恍在人間四方香客雲集霞  
鳩肩摩丹鸞蟻附層臺歡呼帝號聲徹太清僉曰神矣其大者陰  
陽我秉憲分符諸大夫靖共爾位正直是與以福國庇民膺我宗  
人崇禮樂善博文好古彬彬稱良翼我國之耆英譽髦士觴丞主



德為邦司直以襄上理且啟余不穀靈局夙夜畏天明威俾無玷  
我先王馨德以貽神羞保佑我明天子聖敬日躋孚假上帝四維  
奠三光明災異消祥瑞應永綏我宗社億萬禩長之慶赫濯哉  
神之為靈也豈獨屑屑於齊民禱祠感應之間已哉余且為今之  
求福者告曰惟神聰明正直顯道雷行域中吉凶禍福惟影響  
不可非道求章明也余修祀典遡太暉之始追封國之自仰  
思君之恩祖德有勃余衷而莫可遏者即此昭事一念神或聽而  
式穀之至於爾眾好修作福必先求盡乎孝弟忠信之人道庶不  
為神吐不則弁髦民義而聽於神記之石願就正於達觀者如此  
以質諸鬼神而俟諸百世後也姑記之  
云萬曆庚子冬十月清袁于令記嘗考方輿郡邑荆為吳蜀咽喉  
喉五省通會蓋域中巖郡也盛時禪林道院在莊嚴龍山門外  
迤西三里許舊有太暉觀為元天上帝行宮明季湘遠惠諸藩隆  
崇三教修明古蹟觀之殿宇崒崒松檜陰森一方士民瞻仰攸歸  
叩禱輒應俗有賽武當之稱無何運際鼎革地易滄桑兵燹數經  
金碧化為瓦礫屺礎沒於荆榛勝境寥寂神失憑依郡之信善復  
豎山門願窮於力罔奏成於功有河南汝州寶豐忠公謝君諱臣參  
戎荆營矢忠守禦薰沐謁帝仰借靈光見金像黯然風雨不蔽觸  
目動心發大誓願慨捐橐橐賞修鼎殿三楹鑄列佛聖容丹至爭  
振響復案無不備設外構雷尊殿五楹立像四尊位尊鐘簷鼓磬  
香爐供案告成父老過者僉云不減當年壯麗矣雖眾善協力不  
森肅厥功誰能肩荷此謝參軍百世之功也參軍遜功不居歸靈於  
帝以予曾守茲土素敬鬼神屬作碑文予隕穫三載筆墨久置力

志十九

輿地十九 古蹟



辭不敏固請篤摯勉為之記曰觀之為義何昉乎易觀卦解云觀  
示於物則為觀為觀於下則曰觀凡宮觀之觀言其為觀於下如  
上德之為民所瞻也周穆王好神仙奉仙之觀皆名曰觀此觀之  
始也何以太暉名乎曰為陽精光照無主不可以一色名故曰太  
暉蓋日月為天之目神祇為世道人倫之意以高陽氏是為元帝  
之宮言至幽而天之目也緬稽黃帝子昌意生高陽氏是為元帝  
御百神驅使雷電垂結元之車周旋八外明太祖起義旅神陰翊  
顯祐成祖靖難神左輔相爰命於武當山治銅為殿飾以黃金  
俾天下羣祀之此觀初於洪武二十六年魏煥甲於殿飾以黃金  
願之記詳矣江陵志觀初於洪武二十六年魏煥甲於殿飾以黃金  
傳唐宋肇建相悖然惟志載可據今四方小醜未靖廓清之略永  
賴神威此參軍不與無誠信君子則幽明不貫參軍也褒區內無  
兒則事業不與無誠信君子則幽明不貫參軍也褒區內無忠孝男  
心兼具勇猛精進之力故於神人交與之際陰陽表裏忠孝誠信  
明白念發功成不知勞瘁以此質鬼神與之不朽異日建功立業  
無兩心也千秋之後是觀長存參軍與之不朽異日建功立業樹  
駿流鴻益增貞珉之光將來輯荆  
志者紀述茲事其垂芳曷有既哉

普濟觀在縣東南距鶴穴東三十里明正德閒建觀外有池七環

若列星名七星池縣志

永鎮觀在縣東七十里俞潭店明萬曆閒建府志



上清觀在縣東北六十里清乾隆三十年觀前半里土人掘甃得若鼎者三不識為何代物縣志

紫雲觀在縣東六十里府志

觀音院在縣北門外昔有牧童見一冢有白鸚鵡飛繞其間逐之

輒入土白其主往鑿得大士像一童子像一周身纓絡皆珠寶鑲

嵌後畏人竊取因髹之今像在承天寺觀音殿而院久廢江陵四

瑞像此晚出獨存府志

白齋菴在縣東南沙市明建府志明陶崇道記為吾生減省法

利益法者父粲厥子君與百執事粲厥官雖士卒止矣白齋何以名志行也蜀僧道通早歲披緇芒屨遍天下孟粟外所啜惟清水投以齋和以鹹淪以茗皆惶畏謝去以如是終其身聞者難之故隴蜀之行脚者踵接而咸萃於斯庵伊蒲之道通四時不岳滇黔秦豫屬之德全嗣之更加廣焉菴遂為荆南名刹道通臨化時召諸浮屠斷五味積遠近嚮信所供者為殿三楹以樓像為閣五楹以樓法

志十九

輿地十九 古蹟

三

為樓左右翼以樓四方瓢笠而禪室方丈俱備有圃可蔬有田可粒有池可活水族古剝備矣其入寂時殷殷以私造飲食為戒而亦如一日噫賢矣今之士大夫動曰吾儒吾儒齋斷菜根而去兼味便為難易又希文立義莊以贍貧族干古頌之其以視白齋師徒所為難易子何如哉柳子厚不斥浮屠曰與易論語合其於性情爽然不與孔子異道予謂不特性情其行事固不可及者予食庵事有愧心焉因和墨而為之記

十方庵在縣南湖一名眾香林明萬曆間建府志明袁宏道記

得度如今之科目然故其徒不繁而業精迨於宋季始有納資求度者當今漫無稽考非窮巷比舍資生不及者之市僧暮而三衣嚴至於老不能力者朝而傭奴暮而鬚髮朝而市僧暮而三衣精血之中遂為游食之所於是託鉢擊錫號衢呼市者幾遍天下有王者起將盡驅而農之乎驅之必不勝驅也必有變然則每郡邑限以額禁之使無他往可乎曰邱行脚謂之必不勝驅也必有變然則每郡邑則非僧固其師之遺教也惡乎禁曰凡遊者必給牒至他邑則驗之若何曰使其師之賢僕衙署彼將不屑不賢則詐偽百出郡邑安能盡案其勢必假於胥隸而相緣為奸昔之人蓋行之矣行也而導之若何一日置郵郵即古之叢林也郡邑大者三四小者一



凡客僧至而他投者以奸論二日署師師即叢林主人也取其賢而能不苟者庸而能自潔者暫寄而不長子孫者方僧小過則以規繩從事大則付之邑長貳其誰敢不肅往余入郡謂蘇潛夫曰以渚宮之大而無院舍以客遊衲辟如縱三軍於市而廢紀律若之何不為奸也有道人周念淨者與余善聞之欣然率其侶曹某左某乞余文為倡結茅南湖以供來者未幾吳僧某至道人見其真實請以為粥飯主其初斂粒已而不繼則索之市并朝饗之餘三衢未徧而白餐之積已足飽千餘眾嗣是日以為常僧至如歸既約不得他往奸徒無所藏皆疾驅去荆人大喜賈客某者歎其規制過狹為造佛廬僧廊若干像設嚴整侵循有上國風余友黃太史輝過而歎曰是古香積遺範也大署其額曰眾香林於是眾香之名遂聞諸方道俗翕然宗之明譚元春尋十方菴詩聞風吹磬未問僧此何菴其名曰十方廣大令我慙導從來處去好徑喜重探森森眾香林禪滿任君參香飯觸真性古佛立相談接引知無已朝花先上龕悟矣松栝旁相視如空潭

如來菴在縣治東相傳漢昭烈行宮舊址清康熙七年重建嘉慶二十五年道光十五年再修府志

飛來塔在龍灣市南三里塔灣故老云風雨之夜土人忽聞蒿楫及空中唱佛聲異之遲明見鐵船與塔轟然地上塔高不盈丈船

志十九

輿地十九 古蹟

七

如舡艫相率建齋坎葬鐵船以塔鎮其上明萬曆乙卯蘇潛夫往謁見塔內有宋刻華嚴經一函字如豆粒少殘缺持歸補全奉之壽聖寺屬死心和尙記之府志

公安縣

孱陵故城在縣西南荆州府志其城背油向澤孫夫人又更修之水經注

吳大帝封呂蒙為孱陵侯即此寰宇記在縣西二十五里亦謂之孫

夫人城方輿紀要

公安故城在今縣東北清一統志周瑜為南郡太守分南岸地以給劉

備備別營於油江口改名為公安三國志注時號先主為公故名

寰宇記引

孫夫人城在縣西清一統志漢昭烈夫人權妹也與昭烈相疑別築此

城居之在孱陵城東五里元和志



呂蒙城在縣東北

清一統志 康熙通志云北三十里

光孝寺後有廢城彷彿尙存

圖經謂之呂蒙城

入蜀記

馬頭城在縣東北一稱馬頭戍

清一統志 寰宇記引荆州記

江

津戍南對馬頭岸昔陸抗屯此與羊祜相對

水經注

馬頭太守屬南

豫州

宋書州郡志 互見關隘

案荆州府志又載古城在西辛

里三國陸遜所築占地二百餘畝有放馬湖回馬臺諸蹟縣

志亦載有古城在

倉儲城在縣東北

清一統志

油水相接悉是南蠻府屯側江有大城相

承云倉儲城卽邸閣也

水經注

今縣北倉隄一帶俱是城址但爲水

所淹微見遺跡

名勝志

龍城在縣西永安鄉一名龍牆上曰上龍牆下曰下龍牆中有城

曰雞鳴城遺址甚具

清一統志 案縣志永安

安僑縣治疑卽此城

先主營在縣東北九十里油河口板橋一帶溪流宛轉地多美箭

志十九

輿地十九 古蹟

天

佳樹

府志

囊螢臺在縣東北西辛里晉車胤讀書處臺東數十步有車公橋

府志

大賢里在縣北卽茅穗里碑載智者禪師初欲出家母謂之曰甘

旨誰當具耶師遂指茅爲穗後人神之因以名村其里爲大賢里

里有聖母塔卽母之葬處

圖書集成 引舊志

杜息亭在縣西南斗湖隄一名公安山館一名少陵草堂唐杜甫

憩息於此後人建亭

清一統志 唐杜甫詩南國書多霧北風天

正寒路危行木杪身遠宿雲端山鬼吹鐙滅

厨人語夜闌雞鳴問 前路世亂敢求安

萊公竹在縣宋寇萊公卒於雷州詔許歸葬道出公安邑人祭於

道斷竹插地以挂紙錢竹遂不根而生

輿地紀勝 明黃輝詩誰

謂公不祀祠堂南北存嶽

蓮花省屬江竹筍兒孫海瘴消歸路溪 毛引斷魂憾無桃蓓淚重染弔湘痕



呂仙亭在縣西南當斗湖勝處相傳呂洞賓遊此距呂仙亭半里許有呂仙臺相傳洞賓度一女子於此今大光村有仙女堆禱雨

輒應府志參用舊志

孟撫莊在縣南門外宋孟珙開閩荆襄會置莊於此一統志

白蓮莊在縣北明戶部尙書鄒文盛故居有荷池數十頃為一縣

之勝一統志中有倦還亭府志

柳浪館在縣城外柳浪湖明袁宏道築別業於中曰柳浪館館後

有袁中道別業曰篔簹谷嘉慶志明袁中道記郭外西南柳湖

南門其內為柳浪柳浪匯通邑之水穿橋入於斗湖柳浪實湖也田之然常浩浩馬獨其中高阜者幾四十畝可田絡以隄隄內外皆種柳及楓帶以渠渠樹之內始為田田之內地較高復為隄周之隄上復種柳隄之內前為放生池種白蓮亭臨之後漸阜為臺隄之襲者三渠之襲者二樹之襲者六若筍蕉若陳若城翠碧醞釀莫知紀極放生池隄外右有窪池不可田築橫隄與田隔中種紅蓮水中有洲為室三楹以待名僧及過客也右為小隄以出是

志十九

輿地十九 古蹟五

五

為門徑左有小隄達於柳浪館欲泛舟則繞臺下從右出橋下達於放生池盤旋亭前折而右穿橋至紅蓮池繞僧舍而西穿於後渠後渠西可達斗湖水最闊返棹仍從後渠過僧舍從紅蓮池舊路見臺上朱欄畫梁隱隱繞而右復還後渠過僧舍從紅蓮池舊路歸焉可二里許日午渠內無曦陽濃樹遮樾參差見碎天水清澈底此柳浪大略也暑日中郎與予坐臥其中晨起借數僧塵談倦則泛舟月夜尤佳嘗有一客苦熱夜來避暑忘攜襪被夜半凍欲絕樹凡萬株種楓柳者宜水也楚中柳色止一月黃落入秋楓葉紅酣如錦土人云後有篔簹前有柳浪篔簹為予居柳浪為中郎別業也又館詩二首鎮日無人至層溪與閉關幻雲作佛事流水寫僧顏歸鷺千團雪長陽一派山深夜深纖月落清梵出林間過橋三五次門徑宛村莊曲水繞茅屋深林護粉牆雨煙荷葉淨風露稻花香未可全無事疏經也學忙袁宏道雜詠柳西層層水花紛曲曲隄古藤隨意茁熟鳥任情啼奇客詩題嶽招僧語隔溪菱蒲分外長漸與竹欄齊偶然修竹裏新鳥一回聞鶴下翻盆石僧歸語嶠雲縱風生水態任月織波文莫遣鷗鳧去頻來只有君饒水饒煙地臨花臨柳居經營成淨社穿鑿架僧廬小作番唐像閑堆農圃書主人葦血斷鶴亦念溪魚齋閣行將近迂回又隔溪入總中遠水萬柳外長隄鑿曲添魚舍

荷葉山房在縣長安村袁中道讀書處也入門有老松數株湖水

截松下過曰松風澗古槐壓澗生其下為臺曰清陰臺中有室曰



白蘇齋後有土阜可眺遠曰幕翠嶺阜上古梅一株其旁為回廊  
曰斜月廊從此阜益坦修竹萬竿構草堂曰淨綠堂後有澗渡澗  
而北曰荷葉山山中古松千本翠蓋入雲一老栗中空而前竅可  
容定僧名之曰栲菴山前有池闊可四十畝曰荷葉池嘉慶志

小竹林在斗湖隄右明孝廉王承先所居前臨油江數十畝皆竹

圖書集成引舊志 明袁宏道詩白襴著破換青衫歸去山齋自  
在眠醫俗且留千个竹買閑先賣一區田攜妻燒筍旋沽酒避客  
澆花自引泉怪得新詩奇  
僻甚苦吟刺骨類枯禪

空明亭在縣西北隅何方伯珊水亭也嘉慶志今廢府志

觀瀾閣在油江口象鼻背今崩入江嘉慶志

西莊草堂在縣板橋王祭酒恂別墅縣志

王軾宅在縣斗湖隄府志

漢劉璋墓在縣西南先主遷璋於公安盡歸其財物故葬於是名勝

志

志十九

輿地十九 古蹟五

三

隋望母墓在茅穗村大賢里西名勝志

元普元禮墓在舊城東門外隄側今漸圯入江

明鄒文盛墓在縣南二十里張莊鋪

王軾墓在牛頭村丁溪湖以上府志

天寧寺在縣西白湖里東晉太和二年建清康熙十九年荆宜施

道鄧廷羅捐田六十畝縣志

二聖寺在縣東北晉太和三年建一名興化寺一名萬壽寺又名

光孝寺寺凡數遷初在江干即安遠舊寺也唐建於梅園明洪武

中水傾徙椒園嘉靖閒復移梅園明一統志清嘉慶中重修據洪記補

二聖靈蹟記晉太和三年寶印手菩薩道安法師護法菩薩惠遠  
法師卓錫開基建寺於邑之濱江額曰安遠寺迄太元元年春仲  
一夕邑令周通夢二神叩門語之曰汝輩多為不善將陷泥塗今  
吾誓以西方之法安鎮是壤翼日家傳戶告萬口一辭忽聞空中







起視廟中佛邊所立二像即昨日挾舟人也商愈駭方欲瞻禮亦  
立化像前眾僧聞之競來瞻禮商顯頗忽長眼突面頰儼若龍形  
食頃復活告眾僧曰吾二聖護法龍也二聖一為青葉髻如來一  
為婁至德如來皆過去恆沙劫前寶藏佛授記五百童子之二歷  
百年後吾肉身當有難然不敢加害更三百餘年香像肉身方歸劫  
火言已復與眾僧漆其軀祀二聖旁即救所謂黃衣使者也黃巢  
之亂賊見像抽矢欲射像忽汗出若雨賊大懼引兵去一邑獲全  
至宋某年寺果火年射像如所記余因歎佛法在周未時芬陀經  
之入在六朝時而青葉婁至之跡顯於唐者與經所說若合符券  
憶此古佛獨顯異於吾邑而他處招提即未見有供二聖像者亦  
法苑中一僻事也遂籌金鑿記之使局土觀此知佛法廣大不可  
思議清洪鐘記邇者天子神聖德洽幽明瑞兆清和羣牧用命  
也濱大江白湧碧翻長隄虹帶資保障焉朝廷之所引重當事之  
所經營而境中父老子弟所不憚其勞疲修築防護靡有定歲者  
也癸酉夏雨霪連月水溢勢近潰邑人大恐出死力支持幾不勝  
呼號震天地指青婁二如來暨黃衣使者默祈幽護須臾煙霧迷  
望二乞人至曰公等何坐困也言訖就潰漏所徑下築之半嚮出  
日無懼矣吾前治黃河類此去六月四日事也時觀者徬徨莫措  
疑信半各散歸為避水計而近隄居者視江中水潮平趨視築處  
完固前之汨汨噴出者似遁旋踪乞不得自是邑安堵無恐長老  
為述寺二如來丙子癸丑顯靈捍水入夢遺事於是恍然曰乞者  
非人也其神也謀所以報之夫聖自東晉來建寺勅封靈異載邑

志十九

輿地十九 古蹟

三

乘諸先輩碑文詳矣而此復現身低眉伸大手段出億萬生靈於  
魚腹中則於斯莊嚴其像輝煌其居在人非以獻媚在聖抑豈為  
竊奉乎願吾思神受職於天與臣受職於君勿異也天與君所託  
為我民捍患禦災責至重也神克盡其職不以為民無欺於天者  
之忠於天也臣克盡其職不以為民無欺於天者矣况夫幽贊治  
今二如來觀之亦可謂不怠於為民無欺於天者矣况夫幽贊治  
理上慰聖天子己飢已溺之願哉是固樂得誌之以為凡神風且  
俾司牧者防江時入寺禮聖餘覽之知所勸云  
裝衣定起書黃葉杯闌語翠微禪翁兼醉侶一種不相違竹裏將  
雲去窗閒看鳥歸酒香沾淨具花氣著僧衣老圃  
推先達星壇禮少微塵勞君莫問閒著與心違

古城寺在縣東北西辛里晉建清康熙時重修

報本寺在縣北茅穗里隋智者禪師建宋元豐中重修清道光時

地後復修

太陽寺在縣南五十里

唐杜甫留別公安太陽沙門詩隱居欲就廬山遠麗藻初逢休上人  
數問舟航留制作長開篋笥擬心神沙村白雪仍含凍江縣紅

梅欲放春先踏鑪峯值  
蘭若徐飛錫杖出風塵



報慈寺在縣南特邱里唐時建開山說法者為藏嶼禪師宋元祐

中僧道寧重修元延祐閒僧蓋庵再建明季兵燹僅存圓通一殿

清順治十五年舉人高重望等延灰如和尚駐錫復修灰如圓寂

建塔寺側縣志清毛壽登詩乘閒訪老宿意象不無神梵誦魚

色莊嚴龍度威儀虎豹馴接機摻小艇避難託羣身獨取桃花

義堂寺在縣東長安里宋紹興閒建嘉慶志明袁宏道詩枳林

涵玻璃色飛丹流碧徧郵廬即今佛宮長荆棘銀杏熟果墮佛髻

不歛歛籬箱有緝田有稽趁時且撒買窗錢波城勒誰能過此

谷昇寺在縣南谷昇里宋乾道閒建嘉慶志明龔大器詩憶昔

隴雲長伴老僧眠幾時得遂青山約醉傍梅花草太玄

普光寺在縣北茅穗里元大德閒重建嘉慶志今圯府志明袁宏

自出震旦之法由之以興荆州碑所載與統紀雖不甚合然覈其

志十九

輿地十九 古蹟

三

師或云智者於里中建名利六而普光報本南觀音皆是智者嘗

無利迨臺教東渡中國之人至不知有三觀而錢氏王臨安始還

故物大師之迹晦而不章久矣夫中國學者至並其教而亡之而

不得一指中間闡宗乘者亦纔得一二衲要之門庭互異則又非

舍者皆雲興而大師所創立尤屬意焉里大姓競為光復且日值

清化寺在縣北灌洋村接江陵界嘉慶志清陳文燦詩依隄起

僧歸古殿閒浮雲陰野甸驟雨漲化宇蘇散石牆斑地僻何人到

天崇寺在縣西刀環里宋景德中僧無能建明初重修縣志清

野寺依族黨累世相因託聚謔恆於斯杯盤不待約松間白鳥驚

老僧俗姓同百年等今作亂離獲生全不忍遠行屨敘述吾祖先

聲容尙可學自笑三十載驅馳雙鬢掠早失以晚悟歸與赴前諾

淨居寺在縣東刀環里宋紹興中僧法興建明重修清順治閒重

建縣志



北觀音寺在縣北茅穗里宋元豐中建又南觀音寺在縣東瓜渚里宋宣和中重建府志

樂善寺在縣黃金口小河東宋端平中僧惟鑑建前有龍淵

大光寺在縣大光里里人周道重修

南禪寺在縣東北西辛里宋紹興中僧傳霞建

諸天寺在縣太歲岡袁中郎改名佛田寺有募修碑記落荆杞中

清道光壬辰重修

大車寺在縣未詳所在宋宣和中僧遠建清康熙時重修

龍門寺宋乾道中建藏有仙佛遺蹟相傳谷和尚成仙處圯

利濟寺在縣東長安材宋淳祐中建

惠果寺在縣南特邱里宋紹興中僧賴祥建

龍溪寺在縣南赴陂里宋紹興中建明宏治中修

志十九

輿地十九 古蹟

寺

長生觀一在北關外一在縣西牛頭里宋宣和中建

昇福觀在縣北茅穗里宋紹興中建

洞真觀在縣東瓜渚里宋淳祐中建明成化時修

福星觀在縣北平樂里宋宣和中建

廣德觀在縣東廖解里縣地平行至此始起岡巒曰石子岡宋紹

興中建

崇元觀在縣南魯陂里宋景定中建有鐘一口文云創始於東晉

復興於宋景定三年明季兵燬清修

白雲觀在縣南谷昇里宋景定中建以上縣志

玉虛觀在縣南赴陂里元至正間建府志

白鶴廟在白湖里明季建相傳有白鶴三隻浮水面近視即無居

民募善泅者撈之獲銅鑄神像三即其地立廟祀之越日忽飛洪



鐘一口大數十圍並置廟中廟額白鶴留蹤四字縣志

石首縣

建寧故城在縣東南七十里清一統志唐元和十一年以人戶輸納不

便於白白置徵科巡院乾德二年升為建寧縣寰宇記今縣東七十

里有建寧廟即縣故址在東山縣志

紀事城在縣境相傳岳武穆屯兵處縣志

望夫臺在縣西二里望夫山明一統志漢昭烈泊舟江浦孫夫人於此

望馬荆州府志

董王臺在縣北五十里相傳董允與諸葛亮駐兵處清一統志

繫馬臺在縣南八十里相傳岳飛討楊么時在此繫馬清一統志

調絃亭在縣東六十里府志水流出如調絃故名九域志明李永

初斜遊子重回萬里槎沙際驛亭京國路隄邊楊柳故人家多歧

莫解悲楊子古調誰知有伯牙正喜親幃稱壽日卻憐雙鬢半成

志十九

輿地十九 古蹟

畫

華 王啟茂詩管聞霜澗上傳得伯牙聲流水高山調朱絃

繡林亭在縣西南二里黃庭堅題扁書繡林二字清一統志

劉郎浦在縣西北先主納吳女處江陵圖經一名劉郎泐通鑑後唐天

成三年楚遣水師擊荆南高季迪逆戰至劉郎泐注石首縣沙步

有劉郎浦蜀先主納吳女處也據此則劉郎浦不在公安矣府志

杜甫詩挂帆早發劉郎浦疾風颯颯暗亭午舟中無日不塵沙岸

上空村盡豺虎十日北風未迴客行歲晚晚相催白頭厭伴漁

人宿黃帽青鞋歸去來 呂溫口號吳蜀成昏此水尋明珠步障

幄黃金誰將一鞋輕天下欲換劉郎鼎時心 宋陸游詩平生遠

游心脾睨萬里窄今來下三巴放浪浮七澤菰蒲無遠近但覺風

可乞來作 瀟湘客

竹部在縣西五十里唐元微之嘗往來於此府志唐元稹詩竹

竹伐竹歲亦深深林隔深谷朝朝冰雪行夜夜豺狼宿科首霜斷

蓬枯形燒餘木一束十餘莖千錢百餘束得錢盈千百得粟盈斗

斛歸來不買食父子分半菽持此欲何為官家歲輪促我來荆門



腹愧爾不復言  
爾生何太蹙

晉劉麟之故里在縣西陽岐山下明一統志桓車騎在荊州張元為侍

中使至江陵路經陽岐村俄見一人持半小籠生魚徑來造船云

有魚欲寄作繪張乃維舟而納之間其姓氏稱是劉遺民張素聞

其名大相忻待劉了無停意既進繪便去張乃追至劉家為設酒

殊不清旨方共對飲劉便先起云今正伐荻不宜久廢張亦無以

留之世說

王氏義門在縣東明初義民王堡之後清一統志自祖槐至宗義五世

同居長幼二百餘人藹然雍睦巡按御史戴縉以聞詔旌其門後

合食又二世明一統志

碓臼嶺在縣東六十里東山之麓有異僧駐錫於此置石碓臼容

米八合每晨得米飯僧有行腳僧病其隘因鑿拓之米遂不產至

志十九

輿地十九 古蹟

美

今石臼尚存圖書集成引舊志

麒麟冢在白洋鋪相傳有麒麟產此人以為怪撲而埋之冢自湧

起如阜因名圖書集成引舊志

明楊溥宅在縣西藕池鎮府志

王紆賜書樓在縣南門外明嘉靖九年上賜紆無逸殿文及大明

會典因建府志

梁孝宣三王墓在縣西南麓湖山高陵岡府志

孝宣公主墓在高陵岡有疑冢七十二縣志

唐劉度墓在東山南畔石柱尚存度石首人第進士官至尚書府志

案一統志云在江陵江陵無東山似誤

五代嚴隆墓在縣西南縣志唐節度使武之玄孫也死葬麓湖山今

其家分為八族至蕃盛名勝志



宋趙觀墓在白泥湖東畔鄉人目爲花墳

鄭翼墓在麓湖山西翼益都人嘉泰乙丑進士嘉定癸酉除江陵路刺史凡六年卒於官子淵因籍石首葬邑之麓湖山知縣陸得夫銘其墓

明楊溥墓在縣西南高陵岡東曹鼎爲墓銘

王之誥墓在栗林岡以上縣志

吳封寺在縣東六十里東山吳孫權建清一統志元至正間明宏治間

增修清順治初重葺府志

白犢寺在縣西南四十里晉建清一統志

高陵寺在縣西案府志云四十里十五里高陵岡梁天監元年建清一統志

統明天啟辛酉重修府志

玉田寺在縣西楚望山下唐乾元二年建名玉田院清一統志相傳葛

志十九

輿地十九 古蹟五

毛

洪種玉於此宋改爲寺圖書集成引舊志案輿地紀勝云或清

順治初重修府志明楊溥詩疊嶂層巒護玉田八仙回首

聖壽寺在縣東北六十里株木山唐景龍二年建縣志

神龍寺在縣西四十里唐神龍二年建府志

長隄寺在縣南二十里一統志後梁龍德三年建府志昔人於金牛渡

見黃牛奔逸此處追之不見以爲神物故立寺祀之明萬曆二十

四年重修圖書集成引舊志

觀音寺在縣東二十里後梁龍德二年建有白蓮池明洪武間重

修

太平寺在縣西三十里宋太平興國三年建有香火田

正覺寺在縣西二十里蟠龍山明正統十四年有僧自大瀉卓錫

於此重建



真如寺在縣西二十里

普聖寺在縣北四十里宋淳祐間建明重修府志以上

澧田寺在縣南十五里宋淳祐間建府志相近有澧田湖故名圖書集成

引舊志李章美記繡林之西澧水之源而來匯於邑南十餘里為澧田湖湖濱曰澧田寺南郡一大禪林也舊傳勝景有八其環列於前者拐棍木魚二山或朝或拱其曳出於後者曬魚嘴也夕照飛空宛然漁村煙景不數武則有鐵籬圍焉東南之美有濠瀾口朝宗澧湖春冬樵牧行歌互答夏秋水泛漁舟唱晚與鐘鼓聲相應其峙於北者名搖頭岡有平空沈吟虛無想像之致其森然角列者盤盤曲曲有龍象馬別號九龍山邑前輩有九龍迴翔之讚鑄於寺鐘茲寺之八景與邑城十景相類爰標而出之

太和寺在縣西三十里元延祐二年建圖書集成引舊志

道德觀在縣東七十里范家灣唐至德七年建府志

朝真觀在縣北八十里毛老坑縣志宋熙寧四年建圖書集成引舊志

迎仙觀在縣東北五十五里調絃口西宋建炎元年建府志

修真觀在縣南一里清一統志宋淳熙二年建原名養真蓋葛洪鍊丹輿地十九古蹟五

於此明正統天順成化間屢修圖書集成引舊志

雲臺觀在縣西三十里明成化年建府志

福壽觀在縣南二十里蘇家岡明成化十年建府志

般若菴在縣南三台山下明萬曆間建菴側有普同塔清順治年

府志明袁宏道記繡林據江滸山亦聳秀余去歲訪友黃泥坂泊舟山下是夜月色晶明與二弟杯酒放歌其下相與歎曰風塵勞薪俗人腸胃他年息機此地即可為道場何必向三山五嶽然後可卓錫耶兩弟欣然領之蓋余有向平之癖而所居無魁父邱每雪辰月夜常攜酒尋培塿登焉夫天地間奇峯怪石號稱尤跡者不可勝數然伐木鑿石吾不能如謝康樂濟勝之具又復遠遜許生擇其近者而從之無如繡林矣繡林中有菴左龍蓋右天馬黃湖如練橫互其前真可以殫霞怡雲枕流漱石近金園落成紺像備具實閻浮提一佛土也其名曰般若云

監利縣

華容故城在縣西北清一統志漢縣故容城矣春秋魯定公四年許遷

於容城是也水經注



豐都城在縣西北荆州府志

成都故城在縣西北清一統志晉永嘉中成都阻亂割華容諸城為王

穎郡水經注

監利故城在縣北清一統志江之北岸上有小城故監利縣尉治也水經

宋端平閒孟珙帥荆湖以舊城圯於水遷今治故城在縣北上

坊東村今日舊縣雍正湖廣通志

章華臺在縣西北清一統志楚子成章華之臺左傳案傳云為章華之宮臺即宮中之臺也

靈王七年就章華臺史記翟王使之楚楚王享之章華之臺三休乃

至賈子新書臺在今華容城內左傳杜注案岳陽風土記云世傳華

湖上沈括云杜注華容即今離湖側有臺高十丈基廣十五丈左

邱明日楚築臺於章華上章昭謂章華亦地名水經一名三休臺

名勝志漢邊讓賦楚靈王既遊雲夢之澤息於荆臺之上前方

志十九

輿地十九 古蹟

三

觀終日顧左史倚相曰盛哉斯樂可以遺老而忘死也于是遂作  
章華之臺築乾谿之室窮土木之技單珍府之寶舉國營之數年  
乃成設長夜之淫宴作北里之新聲于是伍舉知陳蔡之將生謀  
也乃作斯賦以諷之胄高陽之苗裔兮承聖祖之洪澤建列藩於  
南楚兮等威靈於二伯超有裔之大彭兮越隆周之兩號達皇佐  
之高勳兮馳仁聲於顯赫惠風春施神武電斷華夏肅清五服攸  
亂且垂精於萬機兮夕回輦於門館設長夜之歡飲兮展中情之  
懋婉竭四海之妙珍兮盡生人之祕玩爾乃攜窈窕從好仇徑肉  
林登瑤臺以回望兮翼彌日而消憂于是招宓妃命湘娥齊倡列鄭  
女羅揚激楚之清宮兮展新聲而長歌繁手超於北里妙舞麗於  
陽阿金石類聚絲竹羣分被輕絃而曳華文羅衣飄飄組綺紛紛從  
輕軀以迅赴若孤鵠之失羣振華袂以逶迤若遊龍之登雲于是  
歡燕既洽長夜向半琴瑟易調繁手改彈清聲發而響激微音逝  
而流散振弱支而紆繞兮若綠繁之垂幹忽飄飄以輕逝兮似鸞  
飛於天漢舞而繞結爾乃妍媚遽進如激波雖復柳惠能不咨嗟于  
體清氣激而繞結爾乃妍媚遽進如激波雖復柳惠能不咨嗟于  
是飛輕鴻而耀春華進如浮雲退如激波雖復柳惠能不咨嗟于  
兮飛輕鴻而耀春華進如浮雲退如激波雖復柳惠能不咨嗟于  
之輕妙兮嘉新聲之彌隆于是眾變已盡羣樂既考歸乎生風之  
廣夏兮修黃軒之要道攜西子之弱腕兮援毛嬙之素肘形便娟  
以嬋媛兮若流風之靡草美儀操之姣麗兮忽遺生而忘老爾乃  
清夜晨妙技單收尊俎徹鼓盤憫焉若醒撫劍而歎慮理國之需



才悟稼穡之艱難美呂尚之佐周善管仲之輔桓桓將超世而作理  
焉沈湎于此歡于是罷女樂墮瑤臺思夏禹之卑宮慕有虞之士  
階舉英奇於仄陋拔髦秀於蓬萊君明哲以知人官隨任而處能  
百揆時敘庶績咸熙諸侯慕義不召同期繼高陽之絕軌崇成莊  
之洪基雖齊桓之一匡豈足方於太持爾乃育之以仁臨之以明  
致虔報於鬼神盡肅恭乎上京馳淳化於黎元永歷世而太平  
唐張籍詩章華宮中九月時桂花半落紅橋垂江頭騎火照輦道  
君王夜從雲夢歸霓旌鳳蓋到雙闕臺上重重歌吹發千門萬戶  
開相當燭籠左右列成行下輦更衣入洞房洞房侍女盡焚香玉  
階羅幕微有霜齊言此夕樂未央王酒湛湛盈華觴絲竹次第鳴  
中堂巴姬起舞向君王迴身垂手結明璫願君千萬年壽朝出  
射麋夜飲酒鮑溶詩煙渚南鴻呼晚羣章華宮娥怨行雲十二  
巫峰仰天綠金車何處邀雲宿小腰矮墮三千人宮衣水碧顏青  
春豈無一人似神女忍使黛蛾常不伸黛蛾不伸猶自可春朝諸  
處門常鎖李羣玉詩楚子故宮地蒼然雲水幽我來覽後事落  
景空生愁伯業沒荆棘本圖成古邱沈吟問鼎語但見波東流征  
鴻引鄉心一去何悠悠晴湖碧雲晚暝色空高樓迢遞趨遠嶠微  
茫入孤舟空路不堪望西風白浪稠韋莊詩清瑟怨瑤夜繞絃  
風雨哀孤燈聞楚角殘月下章臺芳草已云沒故人殊未來鄉書  
不可寄秋鴈又南回宋陸游詩漢水方城一何壯大路並馳車  
百兩軍書插羽擁修門楚王正醉章臺上璇題藻井窮丹青玉笙  
寶瑟聲冥冥忽聞命駕遊七澤萬騎動地如雷霆清晨射獵至中  
夜蒼兕玄熊紛可藉國中壯士力已殫秦寇東來遣誰射元吳  
師道詩靈王傾國崇臺宇按劍章華睨中土弁裳伏地走諸侯鐘

志十九

輿地十九 古蹟

罕

鼓凌空震三楚騁驕不畏伍子謀落成乞與吳兵遊孤舟竟走江  
上路塊土獨枕山中愁十年霸氣終蕭索回首華容歸不得饑魂  
飄泊啼秋煙細腰卻舞新王前

荆臺在縣北一統志楚昭王欲遊荆臺司馬子期進曰荆臺之遊左

江右湖前望獵山下臨方淮其樂使人遺老而忘死願大王無遊

焉渚宮故事

瘡臺在縣北五十二里

申包胥舊臺在縣北門外均縣志

濯纓臺在縣北七十里府志屈原濯纓處輿地紀勝

獻珠臺在縣東相傳有夜明照此故名縣志明李純樸詩楚澤

江鄉我亦有珠惟自獻靈臺一點徹三光

天井臺在縣東六十里圖書集成引舊志

楚伍員宅在縣西北相傳宅中有倒插槐員奔吳時所植清一統志



漢胡廣宅在縣東關外古壇灣府志

元薩德彌實宅在荆臺側有瑞竹不根而成蓋插援之竹也府志

程鉅夫詩江南御史彈琴處插竹為援竹自成不見稚叢緣節上  
薄疑鄰筍過牆生清音已比甘棠愛直氣先占衣繡榮迴首荆臺

應有鳳凰鳴

明裴璉宅在縣親賢街府志

漢胡寵墓在縣西北府志夏水逕交趾太守胡寵墓北漢太傅廣身

陪陵而此墓側有廣碑故世謂廣冢非也其文言是蔡伯喈之辭

水經注

晉范西戎墓在縣西北府志夏水歷范西戎墓南王宏晉書地道記

曰陶朱冢在華容縣樹碑云是越之范蠡晉太原地記盛宏之荆

州記劉澄之記並言在縣之西南郭仲產言在縣東十里檢其碑

題云故西戎令范君之墓碑文缺落不詳其人稱蠡是其先也碑

志十九

輿地十九 古蹟

聖

是永嘉二年立觀其所述最為究悉似親經其地故違眾說從而

正之水經注

明裴璉墓在縣北白灑湖府志

北洲寺在縣北五十里後漢建清康熙己未寺前鑿井未及一仞

泉湧出澄澈芬芳沈疴服之立愈府志清張逢吉訖容城天竺

傳聞則自漢光武帝始也漢遣馬援征臨沅曾駐節容城班師凱

旋民老幼婦女不驚市賈不變邑之人思慕其功德不衰相與立

祠祀之歷代以來廢而復興邑人歲時展謁必拜伏波將軍亦可

知將國兵而為人之司命者不在彼而在此也迨後西竺僧普慧

杯渡江上飛錫峰頭爐無火而自焚泉有寶而常聚迄今鄉人猶

噴噴以為美談此天竺山北洲寺之所由名也大清丙戌冬余始

至其處廟貌歸然而舊日之瓦礫蕩然無有存者至問其爐井之

遺址已委於荒煙蔓草不可復識余不禁愴然有盛衰之感焉寺

僧月如有道人也揖余而言曰噫嘻淨名十笏之地幾度浮沈於

波濤慶喜畢鉢之巖屢次灰銷於劫火先生眷焉懷古得母感慨

係之乎余曰山開銀地爰創方丈於螺溪花滿香廚遂集比邱於

龍井上人今日者安禪茲山聚生公之石開選佛之場古今人同

不同未可知也予所怒然心傷者弔新息之芳躅據鞍顧盼以示

可用其意氣之盛可謂壯哉卒乃讒人罔極慧苴中傷妻子懼竟



城西藁葬此忠臣義士所為憤懣而不平者也猶幸旌旄所過徽音不絕俾後之人瞻望遺像貴與賤莫不禮焉是亦公之精誠不隨浮雲而俱散後之賢人君子張大其事猶將余與上人今日所稱述載諸邑乘里志俾伏波聲靈藉以不朽時文學張子鑛讀書其處急請於予曰是說也不勒諸石使勝蹟湮沒亦貽旃林之媿遂書之以告來者

福田寺在縣北三十里唐建府志案嘉慶志作在縣東誤宋

萬年天子壽一瓣福田香明韋商臣詩道旁古寺無人到為愛語且待烹茶散客愁卻憶故園山寺裏松篁四月至清幽

觀音寺在縣北三十里唐貞觀時建明惠藩重建清道光二十七年重修縣志

因果寺在縣東六十五里石晉開運閒建元至正初僧慈心聞寺地有聲掘得古鐘上掩赤石內有伽藍普菴二像遂更普菴明天

啟中修清雍正十一年重修嘉慶志

鐵牛寺在縣西六十里宋建以寺前有護隄鐵牛故名嘉慶志清嘉

志十九

輿地十九 古蹟

聖

慶閒隄潰寺圯鐵牛陷入淵潭府志元孔思明詩破幽觸怪護靈跡散古潭煙浪冷淒淒

紫微寺在縣東北七十里宋建明重修陸游入蜀泊此一日紫湄

府志明戴義記余自北堂縹緲悲木茹茶景薄桑榆樾門居攝忽有苾芻持吾友朱子書來問紫微寺碑記於余余曰經始何年題名何義紀綱何祏碑版何文僧芒然無以應余曰是可游移為耶僧曰曾聞之吾師謂寺創自唐貞觀建之日司馬頭陀挾青鳥術過此云大吉有紫微星主照因以名之宋相國王公十朋遊蜀道經於此賦一絕云高柳何人舍孤燈此夜舟遙從白帝去稍為紫微留元末則梵宮傾圮禩子散亡寺址幾為狐兔之窟矣明興扶得斷碑有雲蓋山紫微寺數字碑蝕泐不可讀且圯鐘猶有住持僧修名焉後西江鼻祖某某來此始有梵宇二正而後漸復其舊今仗長者力重新紫微帝君大閣並佛殿僧寮煥然一新也余聞之驛然曰有是哉近日梵刹多於名山絕澗負郭捍門始有福來治亂不一形庭紫宸且與斷煙飄絮化為子虛而寺觀不改一奇也寺必有碑記有題詠唐宋邈矣我明里中先達聞人鱗次輩出而卒不傳一字今寺僧喃信耳任口寧無漫漶一奇也頃爾伐石鐫記不乞言於通顯之貴介而徵信於肥遯之衰髦得毋以人廢言乎又一奇也但失今不記則後之視今不猶今之視昔耶其何敢辭竊意岷江出峽道瀆宮至吾縣魯汎口分支流入小港



曰太馬河經縣城西為龐公渡過葫蘆灣雞鳴鋪福田市而下則  
寺背在焉其東注小沙口與河水鄰舍沔趨漢至大別山下仍與  
江流合是則荆江之副貳也意當年宦舫商舟脚尾比肩而今濁  
流淤澱非其故矣寺境闊其不與城市作緣雖在太馬之陽門臨  
孔道而望之渺然若不可親且也河身迂迴如環如橐纒互旋遠  
似近實遠即舟楫游衍行旅逍遙非特遊者不得至故寺僧自諷  
誦懺悔而外大率衣食於南畝中余策筇所至幾遍東南唯揚子  
之焦山牛首之祖堂可堪鼎足而江流迅遄遊踪錯沓充類至義  
或於市朝習氣未盡抹也茲古木參天修篁蔽地闔既簡鳴吠  
自遼龜齡公所謂高柳孤燈今猶爾已余廬去此裁一舍每過其  
下則榆錢菜甲儘足伊蒲柳帶榴光偏饒風味丹葉與黃華殿晚  
漁樵共鴻雁寒令人低徊不能去寺僧某以老實心聽自在  
緣而比鄰某諸檀越歡喜讚成之陶土誅楓漉泥第草如燕壘  
巢蟻封埵口血身汗盡諸歡喜讚成之陶土誅楓漉泥第草如燕壘  
殿廊維艱門院庖滷森具備有似鬼工是嘉也方今中外多故  
糧糗維艱物理人情實深杞慮聞僧眾千指醒月饜雲甚有志百  
夫長者豈如來教中歸宿地乎抑更有疑焉紫微帝星也在天為  
極在地為垣一歲之中普天之下豈無協吉肇修者而專以名此  
寺乎况唐僧一行能徹斯義而司馬頭陀似出於宋訛說相傳恐  
未必爾且紫微土產也陽侯所屆牧伐所加皆無傷焉法華名經  
太華名岳紫微花對紫微郎即以名寺亦無不可又不爾則雲蓋  
二字更為典雅顧何以引列宿環拱之尊星為一方之刹那不幾  
媒褻而闊略乎余故附此義於後以俟後之訂斯名  
者一切施捨姓字及土木瑣屑例在碑陰不具書

志十九

輿地十九 古蹟

聖

皇功寺在縣東七十五里嘉慶志陸游入蜀時曾憇此府志明張  
家果兩年荆國情松風延世節梧雨落秋聲斗酒

沽村釀燈花卜早晴寺鐘纔報罷又起理裝行

銀杏寺在縣南五十里元至正間重建清同治四年重修並建藏

經塔寺側有明張居正碑記府志

羅漢寺在縣治西南清一統志明重修府志明宋登春詩石壇蓮雨  
紛薄暮鴉香風生蕙草珠露滴

圓通寺在縣東南一百二十里白螺山嘉慶志清程之洛詩曲  
松花待爾功成後同浮碧海槎

花忽在眼偶見老僧歸鳥外遊踪少雲

邊樵路稀道心將入定趁此得忘機

柘福寺在縣北三十里宋建

福連寺在縣東上坊里一名方樂宋咸淳間建明洪武中重修

洪山寺在縣東六十里明成化間建以上縣志

凌雲宮在縣東關外明建迎春於東郊在此旁有無塵和尚塔府志



荆臺觀在縣北六十五里即古荆臺唐開成間建府志唐羅隱

書堂隱相儒庭栽樓鳳竹池養化龍魚

上清觀在縣治西北宋政和間建一統志明天啟三年修府志

璿臺觀在縣北六十里

香城觀在縣西六十里

九真觀距城四十里何家院明時建有羅漢樹清咸豐四年燬於

兵同治間重修以上縣志

祇樹庵在縣東二十里宋建清知縣程藻修府志

鹿苑庵在縣東六十里朱河市元建今為傳戒之所縣志

碧霞庵在縣口八十五里元時建清咸豐八年重修府志

松滋縣

高成故城在縣南漢置縣後漢省一統志案說文作高城段玉裁曰在江北

志十九

輿地十九 古蹟

器

松滋故城在縣西清一統志松滋漢縣名屬廬江郡晉時松滋縣人避

亂至此乃僑立松滋縣因而不改舊唐地理志宋陸游晚泊松

竹蕭蕭杜宇悲看鏡不堪衰病後繫船最好夕陽時生涯落魄

惟耽酒客路蒼茫自詠詩莫問長安在何許亂山孤店是松滋

鄭城在縣東南五十里一名楚城楚昭王時鄭公所築清一統志今為

古牆鋪荆州府志諸葛城在縣東南五十里清一統志相傳武侯所築名勝志

樂鄉城在縣東七十里清一統志江水又逕南平郡孱陵縣之樂鄉城

北吳陸抗所築後王濬攻之獲吳水軍督孫景於此渚也水經注樂

鄉城北江中有沙磧對岸蹈淺可渡江津要害之地也通鑑胡三省注

上明城在縣西清一統志晉太元中苻堅寇荆州刺史桓冲徙渡江南

使劉波築之移州治此城其地夷敞北據大江水經注西接三峽田

土膏良在吳時樂鄉城以上四十餘里南平孱陵縣界晉書桓冲傳亦



謂桓城地理通釋

河東城在縣東五十里東晉僑置南河東郡於此志府

岑侯壘在縣境光武命岑彭取蜀駐師於此志府

一柱觀在縣東邱家湖中清一統志宋臨川王義慶在鎮於羅公洲立

觀甚大而惟一柱故名清宮故事宋紹興二十年松滋縣令呂令問移

觀之名於大橋府舊志清羅有文一柱蓬萊記蓬萊神山也茲

攷蓬萊在渤海中與波上下浮游無定列仙所宅人跡罕至秦時

使方士徐市入海求蓬萊方丈不得漢太初望祀蓬萊作建章宮

以蓬萊方之後見言蓬萊者多妄卒至惘然則蓬萊固方士以靈

異駭人者實跡無據也則夫山勢崔巍靈異顯燦無不可以蓬萊

名之矣夫天地之氣融而為川凝而為山扶輿磅礴蜿蜓玉脊嵒

礖崢嶸等洞天福地之居為文人學士所鈞游者每取神山最著

者呼之謂異跡與斯山相埒云爾昔周樸題桐柏觀云欲識蓬萊

今便是則桐柏觀固蓬萊也白香山題西湖云蓬萊宮在水中央

則西湖固蓬萊也蘇子瞻題虔州八景詩絳宮明滅是蓬萊絳宮

仙居也明滅無定在也則斯山之異亦無不可蓬萊耳於茲方又

何疑土人云斯山也嘗有靈氣往來其間恐託於方士奇異駭人

之說初未深信余暇時訪一柱觀登臨其上見夫羅洲抱左芳草

志十九

輿地十九 古蹟

壘

茵也荆江繞右碧水橫也麟山擁護顯奇珍也月嶺拱照揚光明也仰視則天峯削壁俯瞰則萬壑爭流雲環翠擲旋繞如畫又有杜少陵諸名筆鐫刻其上自古山川以文人重則茲方之蓬萊當神州蓬萊也可唐張說詩舊說江陵觀初疑神化來空山結雲閣綺靡隨風回奈何任一柱斯焉容眾材奇功非長世今餘草露臺

南極亭即江亭嘉慶志在縣東三十里府志案一統志載在縣治

紗帽隨鷗鳥扁舟繫此亭江湖深更白松竹遠微青一柱全應近

高唐莫再經今宵南極外甘作老人星宋黃庭堅次韻向何鄉

行松滋縣與鄒天錫夜雨南極亭二首雪泥滑滑到山郭提壺勸

沽亦不惡林中解道不如歸家人應念思歸樂衝風衝雨走七縣

惟有白鷗盟未寒坐中更得江南客開盡南窗借月看

古牆在縣東八十里即古城店嘉慶志案仇兆鼇杜詩詳注以

唐杜甫行次古城店泛江呈江陵幕府諸公詩老年常道路遲

日復山川白屋花開裏孤城麥秀邊濟江原自闢下水不勞牽風

蟻勤依棨春鷗懶避船王門高德業幕府任材賢行色兼多病蒼茫汎愛前

齊劉虯宅在縣境一統志松滋縣陟岷寺即劉虯宅故址清宮故事

英詩地連雲夢水無邊天斷夷陵欲盡山曾是劉虯高隱地不知

何處叩玄關案府志江陵亦載劉虯宅考齊書本傳虯以江陵



西沙洲去人遠乃徙居之方輿勝覽高沙湖在江陵枚  
迴洲上齊聘士文範先生嘗家焉是州後所徙宅也

唐褚都督義門在縣境一統志相傳褚遂良子孫也名勝志宋鄭

士子孫宅荆土一家  
五百口六世同居所

明伍文定宅在縣西關內遺址今在府志

傅嶽宅在縣南苦竹寺前今宅基掘地輒得黑土如米能治心病

府志

齊劉虬墓在縣西寰宇記渚宮故事云松滋縣西有劉虬墓府志

明伍文定墓在縣南雲臺山清一統志

磬壽寺在縣南史家坪相傳為梁武時廟大金溪有流磬來迎置

寺中故名磬壽唐乾道中湘州道遵禪師駐錫於此明洪武正德

間重修兵燬清康熙五十七年重建縣志

開利寺在縣東三里一統志唐建明修清康熙時重修府志相近有報

志十九

輿地十九 古蹟

哭

恩寺一統志明建府志

月嶺寺在縣西月嶺山相傳先主嘗以景帝木主寄饗於此因立

廟後人即廟基為寺寰宇記

筆架寺疑即唐碧澗寺俗語訛為筆架府志碧澗寺在縣西六十里

碧澗溪輿地紀勝

泉水寺在縣唐貞觀間建府志

苦竹寺在縣南九十里一統志宋建明修清乾隆咸豐間兩次修府志

輿地紀勝云竹泉在縣南宋至和初苦竹寺僧浚并得筆後黃庭

堅謫黔過之視筆曰此吾蝦蟇碛所墜因知此泉與之相通名勝志

宋黃庭堅再經苦竹菴詩雲生草履踏芒鞋雙手摩挲醉眼開竹

苦鳴柯招野趣泉甘濡筆寫詩才梵聲高處羣鴉唱塔影空中落  
雁回通慧老僧能識  
我當年山谷此重來

竺園寺在縣東三十里宋建府志



江亭寺在縣東三十里明建清康熙乾隆間兩次修府志清張

何年建名存失舊亭江湖今不改李杜昔曾經勇退求吾志勞生役爾形雨中來一宿坐對佛鎚青

九龍寺在縣九龍山明萬曆間建府志

雞鳴寺相傳仙人於平地一夜構造雞鳴而成輿地紀勝

黃龍寺在縣西南黑石溪

岳龍寺在縣南朝陽山清康熙時建嘉慶道光間二次重修

雨壇寺在縣西望坪縣志

靈鐘寺在縣上八都清嘉慶二十年建因是年六月江漲燈盞窩

隄幾潰居民搶築莫能抵禦先是隄外有廢鐘眾夫昇至塞漏隄

獲保固因建此寺府志

鎮江寺在縣南紙廠河北清初建嘉慶十二年修水圯同治五年

重修縣志

志十九

輿地十九 古蹟

七

雲臺觀在縣雲臺山上東晉時建府志

飛仙觀在縣南九十里宋淳熙二年道士趙以清自蜀來楚以一

鶴自隨孟珙捨園建觀書額曰飛仙明洪武間重建清康熙四十

年修府志

仁威觀在縣東街嘉慶志明宏治間建府志

報本寺在縣治舊名棲雲寺今名吳家菴縣志清熊文瀾記天

母唐氏夢異僧入其室遂生超藏幼而覺悟稍長翛然有出塵之

思然性至孝晨昏侍養不忍須臾離左右親歿哀毀逾禮殯葬畢

乃削髮於孱陵二聖祠本師為天童嫡派衣鉢相承得正法眼超

藏既獲依遂修苦行錫杖芒鞋重趺名山求證勝果晚歸故里

悉以先疇佈於邑之樓雲寺易名報本日誦貝文為二親資冥福

於康熙某年示寂於寺異香滿室趺坐不僵其弟子以檀龕供之

至今如生且夫吾儒之所以擯斥緇流者謂其忘本遺親也不念

此生所自來而徒為眾生說法生性自昧生理無存其云悟徹三

生至於無生者謬耳誕耳奚取焉超藏誼篤所生在家為孝子出

家猶念明發毛裏之恩孺慕於生前髮膚之愛留存於生後一心

不死四大非空全受全歸於斯見之士大夫生非空桑觀乎此者

仁孝之心可以油然而興矣寺有鉅鐘超藏自述家世並勸檀越



姓名於上當時邑侯戴公振河爲之敘今復總其巔末誌之以傳不朽

枝江縣

枝江故城在縣東清一統志縣舊治沮中後移出百里洲西去郡一百

六十里水經注引在百里洲其西首曰岑頭縣居其上後漢岑彭

經憇於此因名元和志百里洲故城晉避苻堅之銳荆州刺史令向

戌移沮上舊城於此荆州志

旌陽廢縣在縣北清一統志魏置雍正湖廣通志詳沿革

丹陽城在縣西清一統志後漢郡國枝江縣楚文王自丹陽徙

都亦曰丹陽通典西魏于謹伐江陵曰爲蕭氏計席捲渡江直據丹

陽上策也丹陽者枝江之別名北史以爲潤州之丹陽非也輿地紀勝

津鄉在縣西清一統志莊公十八年巴人伐楚十九年楚子禦之大敗

於津左傳枝江縣西三里有津鄉郭仲產云尋楚禦巴人枝江是其

志十九

輿地十九 古蹟

吳

途便此津鄉卽其地應劭曰南郡江陵有津鄉今則無聞矣水經注

養由基射臺在縣東陳家渡相傳養由基習射於此府志

庾臺在縣東百里洲北一統志庾信講經於此亦名講經臺名勝志

云庾子山宅府志

道愛堂在縣治元至大中知縣程德建今署後廳是其遺址府志

南亭郡縣志云在枝江縣唐時建輿地紀勝唐皇甫湜記見金石

宋劉凝之宅在縣東清一統志枝江縣東二里有縣人劉凝之故宅水經注

范儕精廬在縣東北清一統志縣東南富城洲上有道士范儕精廬水經注

陸法和宅在縣東清一統志法和隱於百里洲衣食居處與沙門同自

號居士不至城郭清宮故事



庾處士承先宅在縣東北十里土臺山府志

楚懷王墓在縣東百里洲

宋姚肩墓在上百里洲肩四川人宋南渡時任枝江令卒於官葬

此均清一統志

史子暈墓在縣南十里清統志作二十里石龍口後土人耕得其墓并為

之改葬焉

明王綱墓南昌人從傅友德西征封定西侯歿於陣勅葬其冢在

野猫壩今遺碣尚倚水濱均府志

清修寺在縣東七十里百里洲一名庾臺寺府志名勝志

安寶寺在縣東南二十里富城洲即范儕所居其後為安寶寺陳

希夷建樓真臺於寺內名勝志

明月寺在縣南三十里相傳梁武帝所建四十寺之一於邑中最

志十九

輿地十九 古蹟

巽

為古刹縣志

彌陀寺在縣江口相傳唐時建寺最古清同治四年重修府志

大通寺在縣北金雞山下宋咸淳二年建嘉慶志

淨居寺在縣東十里一統志宋建明修府志

等界寺在縣東南元延祐間建一統志

定江寺在縣澌洋洲元延祐間建祀中山靖王之孫定江王明萬

曆中縣令趙善鳴築洲隄思其德附祀寺中又以建在澌洲曰澌

洲廟又訛作師祖廟府志

修文寺在縣陳家場元建原名拖犁明末督師大學士楊嗣昌討

賊入蜀駐節於此易名修文寺縣志

龍泉寺在縣西南五里明季賊燬清康熙二十年重建雍正二年

修府志互見山川



黃龍寺在縣東證盟山

金龍寺在縣董市清嘉慶五年十八年兩次修

金沙寺在縣董市後鄉

清泉寺在縣西南花溪清康熙三十一年荆南道祖澤深建芙蓉

閣於寺側

高殿寺在江北鳳凰山明初建清康熙年間重修

高峯寺在縣北一百三十里前殿屬枝江後殿屬當陽以上縣志

雙泉觀在縣南五里紫山清一統志

朝陽觀在縣西二十二里黎家山相傳為明時古刹清同治元年

重建

雲臺觀在縣官木山明古刹也

聖壽庵在縣南二十里明建庵踞山絕頂峯巒秀聳林木蔚然上

志十九

輿地十九 古蹟

辛

多桂產筍最佳

桂花庵在縣董市後鄉趙家衝有鐘云天啟六年桂花禪林鑄上

縣志

宜都縣

夷道故城在縣西北清一統志漢舊縣宋州郡志武帝伐西南夷路由此出

故曰夷道王莽更名江南桓温父名彝改曰西道魏分南郡置臨

江郡劉備改曰宜都郡治在縣東四百步故城吳丞相陸遜所築

也水經注

荆門城在荆門山下荆州府志今猶有故城基址在山上通鑑胡注

虎亭在縣北三十里大江北岸一名興善坊今名虎腦背市清一統志

章武二年陸遜大破先主軍於虎亭蜀志

吳相臺在縣南三里清一統志吳相陸遜引兵屯此因建明一統志



將軍臺在縣北五里沙灣村吳陸遜建府志

望堂在縣西北清一統志夷道城東北有望堂地特峻下臨清江遊矚

之名勝也水經注

合江亭在縣北濱江唐建後圯元大德四年重建明嘉靖中重修

清一統志唐路侍中巖鎮宜都後移鎮渚宮祖帳合江亭以官妓行雲

等十人侍宴巖即於離筵作感恩多詞十首至今傳播北夢瑣言

止渴亭在縣南十五里山谷間有泉味甚美因名清一統志

一覽亭在縣廨後元大德四年縣尹譚文德建明嘉靖戊申知縣

陶師文重建嘉慶志明韓守益詩層臺飛構壯宜都雲影天光

色時濃淡雨雜灘聲自有無幾度隴蜀一江風月接荆吳煙霏山

憑欄倍惆悵白雲飛去寸心孤

周赧王女墓在縣境舊經云梁天聖元年宜都守王琳發之得金

志十九

輿地十九 古蹟

至

思婦墓在縣北女觀山水經注昔有思婦夫官於蜀屢愆歸期登

此山絕望憂感而死葬之山頂今孤墳尙存互詳山川

宋張商英墓在縣東北十里白洋驛後

清松滋縣知縣劉鴻庚墓在縣東南鴻庚會稽人署漢陽縣陣亡

後裔避難葬此均府志

傳慶寺在縣東十里三國吳建明末燬清一統志清順治初重建府志

金鐘寺在縣東北二十里宋建府志明初復修有石刻十八羅漢像

圖書集成縣東十五里有滾鐘坡昔有金鐘寺鐘一日自寺滾出

行者見之大驚挽曳不勝遂入江去至今坡有滾鐘迹名勝志

寫經寺在縣東北七十里宋天聖中智者禪師在此寫經因建

厚坪寺在縣西北三十里元建明修

法湧寺在縣東三十里元建明初重建



安福寺在縣西三十里元建明修以上府志

寶幡寺在縣南十五里元皇慶二年建兵燬明景泰成化間重修

明末又燬圖書集成引舊志

清林寺在縣西四十里元至正間建明天順七年重建清康熙初又建

廣濟寺在縣南門外明萬曆間建清順治十六年重修

資福寺在縣北六里明建清康熙三年修以上府志

佑聖觀在縣治西唐建清一統志明萬曆壬辰修賊燬清順治己亥重

建嘉慶志

志十九

輿地十九 古蹟

至